



18
卷

田文田

詩宗寅集卷五

古詩 五言二百三首

過歷山湛長史草堂

南平王鏐

茲嶽蘊虛詭憑覽趣亦瞻九峯相接連五渚逆縈浸
層阿疲且引絕巖暢方禁潘衆夏夏寒林交晝常蔭
伊余久緇涅復得味恬淡願逐安期生於焉愜高枕

擬明月何皎皎

落宿半遙城浮雲藹層闕玉宇來清風羅帳延秋月
結思想伊人沈憂懷明發誰為客行久屢見流芳歇
河廣川無梁山高路難越

宋

上邪

何承天

上邪下難正衆枉不可矯音和響必清端影緣直表
大化揚仁風齊民猶偃草聖王既已沒誰能弘至道
開春湛柔露代終肅嚴霜承平貴孔孟政弊侯申商
孝公黜賞罰六世猶克昌李斯肆濫刑秦民所以亾
漢宣隆中興魏祖寧三方譬彼鍼與石効疾而稱良
行葦非不厚悠悠何詎央琴瑟時未調改絃當更張
矧乃治天下此要安可忘

秋胡詩○刺爲君之義不固

顏延之

椅梧傾高鳳寒谷待鳴律影響豈不懷自遠每相匹

婉彼幽間女作嬪君子室峻節貫秋霜明豔侔朝日
嘉運既我從欣願自此畢

燕居未及好良人願有違脫巾千里外結綬登王畿
戒徒在昧旦左右來相依驅車出郊郭行路正威遲
存爲久離別沒爲長不歸

嗟余怨行役三陟窮晨暮嚴駕越風寒解鞍犯霜露
原隰多悲涼回飈卷高樹離獸起荒蹊驚鳥縱橫去
悲哉游宦子勞此山川路

超搖行人遠宛轉年運徂良時爲此別日月方向除
孰知寒暑積僂俛見榮枯歲暮臥空房涼風起座隅

寢興日已寒白露生庭蕪

勤役從歸願反路遵山河昔辭秋未素今也歲載華
蠶月歎時暇桑野多經過佳人從所務窈窕援高柯
傾城誰不顧弭節停中阿

年往誠忠勞路遠闊音形雖爲五載別相與昧平生
捨車遵往路鳧藻馳目成南金豈不重聊自意所輕
義心多苦調密比金玉聲

高節難久淹竭來空復辭遲遲前途盡依依造門基
上堂拜嘉慶入室問何之日暮行采歸物色桑榆時
美人望昏至慙嘆前相持

高張生絕絃聲急由調起自昔在光塵結言固終始
如何久爲別百行誓諸已君子失明義誰與偕沒齒
愧彼行露詩甘之長川汎

阮步兵

阮公雖淪跡識密鑿亦洞沈醉似埋照寓辭類託諷
長嘯若懷人越禮自驚衆物故不可論途窮能無慟

嵇中散

中散不偶世本自餐霞人形解驗默仙吐論知凝神
立俗迂流議尋山洽隱淪鸞翮有時鍛龍性誰能馴

劉參軍

劉伶善閉關懷情減聞見鼓鐘不足歡榮色豈能眩
韜精日沈飲誰知非荒宴頌酒雖短章深衷自此見

阮始平

仲容青雲器實稟生民秀達音何用淡識微在金奏
郭奕已心醉山公非虛覲屢薦不入官一麾乃出守

向常侍

向秀甘淡薄淡心託毫素揆道好淵玄觀書鄙章句
交呂既鴻軒攀嵇亦鳳舉流連河裏遊惻愴山陽賦

夏夜呈從兄散騎車長沙

炎天方埃鬱暑晏闕塵紛獨靜闕偶坐臨堂對星分

側聽風薄木遙睇月開雲夜蟬當夏急陰蟲先秋聞
歲候初過半荃蕙豈久芬屏居惻物變慕類抱情殷
九迹非空患七襄無成文

北宅祕園

謝莊

夕天霽晚氣輕霞澄暮陰微風清幽幌餘日照青林
收光漸窻歇窮園自荒淡綠池翻素景秋槐響寒音
伊人儻同愛絃酒共樓尋

登池上樓

謝靈運

潛虬媚幽姿飛鴻響遠音薄霄愧雲浮樓川作淵沈
進德智所拙退耕力不任徇祿反窮海臥病對空林

言宗 才質集
衾枕昧節候，寒開暫窺臨。傾耳聆波瀾，舉目眺嶠嶽。
初景革緒風，新陽改故陰。池塘生春草，園柳變鳴禽。
祈祈傷幽歌，萋萋感楚吟。索居易永久，離羣難處心。
持操豈獨古，無悶徵在今。

游南亭

時竟夕，澄霽雲歸日。西馳密林含餘清，遠峯隱半規。
久痾昏墊苦，旅館眺郊歧。澤蘭漸被徑，芙蓉始發池。
未厭青春好，已觀朱明移。戚戚感物歎，星星白髮垂。
藥餌情所止，衰疾忽在斯。逝將候秋水，息景偃舊崖。
我志誰與亮，賞心惟良知。

遊赤石進帆海

首夏猶清和，芳草亦未歇。水宿淹晨暮，陰霞屢興沒。
周覽倦瀛壖，况乃凌窮髮。川后時安流，天吳靜不發。
揚帆採石華，挂席拾海月。溟漲無端倪，虛舟有超越。
仲連輕齊組，子牟眷魏闕。矜名道不足，適已物可忽。
請附任公言，終然謝天伐。

石壁精舍還湖中

昏旦變氣候，山水含清暉。清暉能娛人，遊子澹忘歸。
出谷日尚早，入舟陽已微。林壑斂暝色，雲霞收夕霏。
芰荷迭映蔚，蒲稗相因依。披拂趨南逕，愉悅偃東扉。

慮淡物自輕意愜理無違寄言攝生客試用此道推
於南山往北山經湖中瞻眺

朝旦發陽崖景落憇陰峯舍舟眺迴渚停策倚茂松
側徑既窈窕環洲亦玲瓏俛視喬木杪仰聆大壑淙
石橫水分流林密蹊絕蹤解作竟何感升長皆丰容
初篁苞綠穉新蒲含紫茸海鷗戲春岸天雞弄和風
撫化心無厭覽物眷彌重不惜去人遠但恨莫與同
孤遊非情歎賞廢理誰通

過始寧墅

束髮懷耿介逐物遂推遷違志似如昨二紀及茲年
緇磷謝清曠疲茶慙貞堅拙疾相倚薄還得靜者優
剖竹守滄海枉帆過舊山山行窮登頓木涉盡洄沿
巖峭嶺稠疊洲縈渚連絲白雲抱幽石綠篠媚清漣
葺宇臨迴江築觀基曾巔揮手告鄉曲二載期歸旋
且爲樹粉檟無令孤願言

七里瀨

羈心積秋晨晨積展遊眺孤客傷逝湍徒旅苦奔峭
石淺水潺湲日落山照曜荒林紛沃若哀禽相叫嘯
遭物悼遷斥存期得要妙既乘上皇心豈屑末代誚
目覩嚴子瀨想屬任公釣誰謂古今殊異代可同調

登江中孤嶼

江南倦歷覽江北曠周旋懷新道轉迴尋異景不延
亂流趨孤嶼孤嶼媚中川雲日相輝映空水共澄鮮
表靈物莫賞蘊真誰為傳想像崑山姿緬邈區中緣
始信安期術得盡養生年

齋中讀書

昔余遊京華未嘗廢丘壑矧乃歸山川心迹雙寂寞
虛館絕諍訟空庭來鳥雀臥疾豐暇豫翰墨時閒作
懷抱觀古今寢食展戲謔既笑沮溺苦又哂子雲閣
執戟亦以疲耕稼豈云樂萬事難並歡達生幸可託

石門新營所住四面高山迴磎石瀨茂林脩竹
躋險築幽石披雲臥石門苔滑誰能步葛弱豈可捫
嫋嫋秋風過萋萋春草繁美人遊不還佳期何由敦
芳塵凝瑤席清醕滿金罇洞庭空波瀾桂枝徒攀翻
結念屬霄漢孤景莫與諼俯濯石下潭仰看條上猿
早聞夕飆急晚見朝日暎崖傾光難留林深響易奔
感往慮有復理來情無存庶持乘日車得以慰營魂
匪為衆人說冀與智者論

道路憶山中

采菱調易急江南歌不緩楚人心昔絕越客腸今斷

詩集
斷絕雖殊念俱為歸慮款存鄉爾思積憶山我憤懣
追尋棲息時偃臥任縱誕得性非外求自己為誰纂
不怨秋夕長常苦夏日短濯流激浮湍息陰倚密竿
懷故叵新歡含悲忘春暖悽悽明月吹惻惻廣陵散
殷勤訴危柱慷慨命促管

登永嘉綠嶂山詩

裹糧杖輕策懷遲上幽室行源逕轉遠距陸情未畢
澹澹結寒姿團團灑潤霜質澗委水屢迷林迴巖逾密
眷西謂初月顧東疑落日踐夕奄昏曙蔽翳皆周悉
盡上貴不事履二美貞吉幽人常坦步高尚邈難匹

頤阿竟何端寂寂寄抱一恬如既已交繕性自此出

石室山詩

清旦索幽異放舟越峒郊莓莓蘭渚急藐藐苔嶺高
石室冠林陬飛泉發山椒虛泛經千載崢嶸非一朝
鄉村絕間見樵蘇限風霄微戎無遠覽總筭羨升喬
靈域久韜隱如與心賞交合歡不容言摘芳弄寒條

登上戍石鼓山詩

旅人心長久憂憂自相接故鄉路遙遠川陸不可涉
汨汨莫與娛發春托登躡歡願既無並戚慮庶有協
極目睽左闕迴顧眺右狹日末澗增波雲生嶺逾疊

白芷競新苔綠蘋齊初葉摘芳芳靡讓愉樂樂不變
佳期緬無像騁望誰云愜

初去郡

彭薛裁知恥貢公未遺榮或可優貪競豈足稱達生
伊余秉微尚拙訥謝浮名廬園當棲岩卑位代躬畊
顧已雖自許心跡猶未并無庸妨周任有疾像長卿
畢娶類尚子薄遊似邴生恭承古人意促裝返柴荆
牽絲及元興解龜在景平負心二十載於今廢將迎
理棹適還期遵渚鶩修垞溯谿終水涉登嶺始山行
野曠沙岸淨天高秋月明憇石挹飛泉攀林蹇落英

戰勝臞者肥止鑿流歸停卽是羲唐化獲我擊壤情

田南樹園激流植援一首

樵隱俱在山由來事不同不同非一事養病亦園中
園中屏氣雜清曠招遠風卜室倚北阜啓扉面南江
激澗代汲井插槿當列壟羣木旣羅戶衆山亦當牕
靡迤趨下田迢遞瞰高峯寡欲不期勞卽事罕人功
惟開蔣生徑永懷求羊蹤賞心不可忘妙善冀能同
從斤竹礪越嶺溪行

猿鳴誠知曙谷幽光未顯巖下雲方合花上露猶滋
逶迤傍隈隩迢遞陟陁峴過澗旣厲急登棧亦陵緬

川渚屢徑復乘流翫迴轉蘋萍泛沈淡菰蒲冒清淺
企石挹飛泉攀林摘葉卷想見山阿人薜蘿若在眼
握蘭勤徒結折麻心莫展情用賞爲美事味竟誰辨
觀此遺物慮一悟得所遣

過白岸亭詩

拂衣遵沙垣緩步入蓬屋近礪涓密石遠山暎疎木
空翠難強名漁釣易爲曲援蘿聆青崖春山自相屬
交交止棚黃呦呦食苹鹿傷彼人百哀嘉爾承筐樂
榮悴迭去來窮通成休戚未若長消散萬事恆抱朴

夜宿石門詩

朝寒苑中蘭畏被霜下歇暝還雲際宿弄此石上月
鳥鳴識夜棲木落知風發異音同至聽殊響俱清越
妙物莫爲賞芳醕誰與伐美人竟不來陽阿徒晞髮

廬陵王墓下作

曉月發雲陽落日次朱方含悽泛廣川灑淚眺連岡
眷言懷君子沈痛切中腸道消結憤懣運開申悲涼
神期恆若存德音初不忘祖謝易永久松柏森已行
延州協心許楚老惜蘭芳解劔竟何及撫墳徒自傷
平生疑若人通蔽互相妨理感深情慟定悲識所將
脆促良可哀夭枉特兼常一隨往化滅安用空名揚

舉聲泣已歷長歎不成章

酬從弟惠連

寢瘵謝人徒滅跡入雲峯巖壑寓耳目歡愛隔音容
永絕賞心望長懷莫與同末路值令弟開顏披心胃
暮春雖未交仲春善遊遨山桃發紅萼野蕨漸紫苞
嚶鳴已悅豫幽居猶鬱陶夢寐佇歸舟釋我吝與勞

答靈運

謝瞻

夕霽風氣涼閒房有餘清開軒滅華燭月露皓已盈
獨夜無物役寢者亦云寧忽獲愁霖唱懷勞奏所誠
歎彼行旅艱深茲眷言情伊余雖寡慰殷憂暫為輕

牽率酬嘉藻長揖愧吾生

九日從宋公戲馬臺集送孔令詩

風至授寒服霜降休百工繁林收陽彩密苑解華叢
巢幕無畱燕遵渚有來鴻輕霞冠秋日迅商薄清穹
聖心眷嘉節揚鑾戾行宮四筵霑芳醴中堂起絲桐
扶光迫西汜歡餘宴有窮逝矣將歸客養素克有終
臨流怨莫從懽心歎飛蓬

於安城答靈運

條繁林彌蔚波清源逾濬華宗誕吾秀之子紹前胤
綢繆結風微煙熅吐芳訊鴻漸隨事變靈臺與年峻

七月七日夜詠牛女

謝惠連

落日隱欄楹升月照簾櫳團團滿葉露析析振條風
蹀足循廣除瞬目曬曾穹雲漢有靈匹彌年關相從
遐川阻昵愛脩渚曠清容弄杼不成藻聳轡驚前蹤
昔離秋已兩今聚夕無雙傾河易迴幹款顏難久悰
沃若靈駕旋寂寥雲幄空留情願華寢遙心逐奔龍
沈吟為爾感情深義彌重

代古

客從遠方來贈我鵠文綾貯以相忠篋緘以同心繩
裁為親身服著以俱寢興別來經年歲歡心不可凌

瀉酒置井中誰能辨斗升合如杯中水誰能判淄澠

秋懷

平生無志意少小嬰憂患如何乘苦心矧復值秋宴
皎皎天月明奕奕河宿爛蕭瑟含風蟬寥唳度雲鴈
寒商動清閨孤燈暖幽幔耿介繁慮積展轉長宵半
夷險難預謀倚伏昧前筭雖好相如達不同長卿慢
頗悅鄭生偃無取白衣宦未知古人心且從性所翫
賓至可命觴朋來當染翰高臺驟登踐清淺時陵亂
頽魄不再圓傾羲無兩日金石終消毀丹青暫彫煥
各勉玄髮懽無貽白首嘆仍歌遂成賦聊用布親串

搗衣

衡紀無淹度晷運倏如摧白露滋園菊秋風落庭槐
肅肅沙雞羽烈烈寒蟬啼夕陰結空幕宵月皓中閨
美人戒裳服端飾相招携簪玉出北方鳴金步南階
欄高砧響發楹長杵聲哀微芳起兩袖輕汗染雙題
紈素既已成君子行未歸裁用笥中刀縫為萬里衣
盈篋自余手幽絀俟君開腰帶准疇昔不知今是非

東武吟

鮑照

主人且勿誼賤子歌一言僕本寒鄉士出身蒙漢恩
始隨張校尉占募到河源後逐李輕車追虜窮塞垣

密塗旦萬里寧歲猶七奔肌力盡鞍甲心思歷涼溫
將軍既下世部曲亦罕存時事一朝異孤績誰復論
少壯辭家去窮老還入門腰鎌刈葵藿倚杖收雞豚
昔如韞上鷹今似檻中猿徒結千載恨空負百世怨
棄席思君幄疲馬戀君軒願垂晉主惠不愧田子魂

結客少年場行

聽馬金絡頭錦帶佩吳鉤失意杯酒間白刃起相讎
追兵一朝至負劍遠行遊去鄉三十載復得還舊丘
升高臨四關表裏望皇州九塗平若水雙闕似雲浮
扶宮羅將相夾道列王侯日中市朝滿車馬若川流

擊鐘陳鼎食方駕自相求今我獨何爲培塿懷百憂

東門行

傷禽惡弦驚倦客惡離聲離聲斷客情賓御皆涕零
涕零心斷絕將去復還設一息不相知何況異鄉別
遙遙征駕遠杳杳落日晚居人掩閨臥行子夜中飯
野風吹秋木行子心腸斷食梅常苦酸衣葛常苦寒
絲竹徒滿坐憂人不解顏長歌欲自慰彌起長恨端

升天行

家世宅關輔勝帶官王城備聞十帝事委曲兩都情
倦見物興衰驟觀俗屯平翩翻類迴掌恍惚似朝榮

窮塗悔短計晚志重長生從師入遠岳結友事仙靈
五圖發金記九籥隱丹經風餐委松宿雲臥恣天行
冠霞登綵閣解玉飲椒庭暫游越萬里近別數千齡
鳳臺無還駕蕭管有遺聲何時與爾曹啄腐共吞腥

詠史詩

五都矜財雄三川養聲利百金不市死明經有高位
京城十二衢飛甍各鱗次仕子影華纓遊客竦輕轡
明星辰未稀軒蓋已雲至賓御紛馳沓鞍馬光照地
寒暑在一時繁華及春媚君平獨寂寞身世兩相棄
代君子有所患

西出登雀臺東下望雲關層閣肅天居馳道直如髮
繡甍結飛霞璇題納行月築山擬蓬壺穿池類溟渤
選色遍齊代徵聲弔邛越陳鐘陪夕讌笙歌待明發
年貌不可還身意會盈歇蟻壤漏山阿絲淚毀金骨
器惡含滿敬物忌厚生沒智哉衆多士服理辨昭昧

登廬山

懸裝亂水區薄旅次山楹千巖盛阻積萬壑勢迴縈
龍巖高昔貌紛亂襲前名洞礪窺地脈疎樹隱天經
松磴上迷密雲竇下縱橫陰冰實夏結炎樹信冬榮
嘈噴晨鷗忠叫嘯夜猿清溪崖伏化跡穹岫闕長靈

乘此樂山性重以遠遊情方躋羽人途永與煙霧并

擬古

魯客事楚王懷金襲丹素既荷主人恩又蒙令尹顧
日晏罷朝歸鞍馬塞衢路宗黨生光華賓僕遠傾慕
富貴人所欲道得亦何懼南國有儒生迷方獨淪誤
伐木清江溜設置守龜兔

三日

氣暄動忠心柳青起春懷時豔憐花葉服淨俛登臺
提觴野中飲愛心煙未開露色染春草泉源潔冰苔
泥泥濡露條嫋嫋承風栽鳧雛掇苦薺黃鳥銜櫻梅

解衿欣景豫臨流競覆杯美人竟何在浮心空自摧

樂遊應詔詩

范曄

崇盛歸朝闕虛寂在川岑山梁協孔性黃屋非堯心
軒駕時未肅文囿降照臨流雲起行蓋晨風引鑿音
原薄信平蔚臺礪備曾深蘭池清夏氣脩帳含秋陰
遵渚攀蒙密隨山上嶠欽睇目有極覽遊情無近尋
聞道雖已積年力互頹侵揆已謝丹黻感事懷長林
長相思

吳邁遠

晨有行路客依依造門端人馬風塵色知從河塞還
時我有同棲結宦遊邯鄲將不異客子分飢共復寒

煩君尺帛書寸心從此殫遣妾長憔悴豈復歌笑顏
蒼隱千霜樹庭枯十載蘭經春不舉袖秋落寧復看
一見願道意君門已九關虞卿棄相印擔簦為同歡
閨陰欲早霜何事空盤桓

傲古詩

袁淑

訊此倦遊士本家自遼東昔隸李將軍十載事西戎
結車高關下極望見雲中四面各千里從橫起嚴風
寒燠豈如節霜雨多異同夕寐北河陰夢還甘泉宮
勤役未云已壯年徒為空迺知古時人所以悲轉蓬
怨詩

湯惠休

明月照高樓合君千里光巷中情思滿斷絕孤妾腸
悲風盪帷帳瑤草坐自傷妾心依天末思與浮雲長
嘯歌視秋草幽葉豈再揚暮蘭不待歲離華能幾芳
願作張女引流悲繞君堂

待宴詩

沈慶之

微生遇多幸得逢時運昌朽老筋力盡徒步還南岡
辭榮此盛世何媿張子房

代葛沙門妻郭小玉作

鮑令暉

明月何皎皎垂幌照羅茵若共相思夜知同憂怨晨
芳華豈矜貌霜露不憐人君非青雲迹飄迹事成秦

妾持一生淚經秋復度春

君子將遙役遺我雙題錦臨當欲去時復留相思枕
題用常著心枕以憶同寢行行日已遠轉覺思彌甚

青青河畔草

王融

容容寒煙起翹翹望行子行子殊未歸寤寐君容暉
夜中心愛促覺後阻河曲河曲萬里餘情交襟袖疎
珠露春華返璿霜秋照晚入室怨蛾眉情歸為誰婉

芳樹

相望早春日煙華雜如霧復此佳麗人含情結芳樹
綺羅已自憐暄氣多有趣去來徘徊者佳人不可遇

寒晚敬和何徵君點

疎酌候冬序間琴改秋律如何將暮天復值西歸日
搖落迎軒牖飛鳴亂繩華烟灌共溪陰風篁兩蕭瑟
虛堂無笑語懷君首如疾早輕北山賦晚愛東臯逸
上德可潤身下澤有餘轡

琵琶

抱月如可明懷風殊復清絲中傳意緒花裏寄春情
掩抑有奇態悽鏘多好聲芳袖幸時拂龍門空自生

迴文詩

枝分柳塞北葉暗榆關東垂條逐絮轉落蕊發花叢

池蓮照曉月幔錦拂朝風低吹雜綸羽薄粉豔粧紅
離情隔遠道難結淡閨中

鼓吹曲

謝朓

江南佳麗地金陵帝王州逶迤帶綠水迢遞起朱樓
飛甍夾馳道垂楊蔭御溝凝笳翼高蓋疊鼓送華輶
獻納雲臺表功名良可收

直中書省

紫殿肅陰陰彤庭赫弘敞風動萬年枝日華承露掌
玲瓏結綺錢深沈暎朱網紅藥當階翻蒼苔依砌上
茲言翔鳳池鳴珮多清響信美非吾室中園思偃仰

言宗 才集
朋情以鬱陶春物方駘蕩安得凌風翰聊恣山泉賞
暫使下都夜發新林至京邑贈西府同僚

大江流日夜客心悲未央徒念關山近終知返路長
秋河曙耿耿寒渚夜蒼蒼引領見京室宮雉正相望
金波麗鳩鵲玉繩低建章驅車鼎門外思見昭丘陽
馳暉不可接何況隔兩鄉風雲有鳥路江漢限無梁
常恐鷹隼擊時菊委嚴霜寄言尉羅者寥廓已高翔
郡內高齋閒坐答呂法曹

結構何迢遞曠望極高深牕中列遠岫庭際俯喬林
日出衆鳥散山暝孤猿吟已有池上酌復此風中琴
非君美無度孰爲勞寸心惠而能好我問以瑤華音
若遺金門步見就玉山岑

游東田

戚戚苦無悰携手共行樂尋雲陟累榭隨山望菌閣
遠樹暖阡阡生煙紛漠漠魚戲新荷動鳥散餘花落
不對芳春酒還望青山郭

之宣城郡出新林浦向版橋

江路西南永歸流東北鶩天際識歸舟雲中辨江樹
旅思倦搖搖孤遊昔已屢既歡懷祿情復協滄洲趣
囂塵自茲隔賞心於此遇雖無玄豹姿終隱南山霧

言宗
二集
晚登三山還望京邑
灞溪望長安河陽視京縣白日麗飛甍參差皆可見
餘霞散成綺澄江靜如練喧鳥覆春洲雜英滿芳甸
去矣方滯淫懷哉罷歡宴佳期悵何許淚下如流霰
有情知望鄉誰能鬢不變

宣城郡內登望

借問下車日匪直望舒圓寒城一以眺平楚正蒼然
山積陵陽阻溪流春穀泉威紆距遙甸巉岫帶遠天
切切陰風暮桑柘起寒烟悵望心已極愒悅魂屢遷
結髮倦為旅平生早事邊誰規鼎食盛寧要狐白鮮

方棄汝南諾言稅遼東田

高齋視事

餘雪映青山寒霧開白日曖曖江村見離離海樹出
披衣就清盥憑軒方秉筆列俎歸單味連駕止容膝
空為大國憂紛詭諒為一安得掃蓬徑鎖吾愁與疾
移病還園示親屬

疲策倦人世斂性就幽蓬停琴佇涼月滅燭聽歸鴻
涼薰垂暮晰秋華臨夜空葉低知露密崖斷識雲重
折荷葺寒枝開鏡眇衰容海暮騰清氣河關祕樓冲
煙衡時未歇芝蘭去相從

詩集

春思

茹溪發春水
阨山起朝日
蘭色望已同
萍際轉如一
巢燕聲上下
黃鳥弄儔匹
邊郊阻遊行
故人盈契闊
夢寐借假簧
思歸賴倚瑟
幽念漸鬱陶
山楹永為室
和徐都曹
宛洛佳遨游
春色滿皇州
結軫青郊路
迴瞰蒼江流
日華川上動
風光草際浮
桃李成蹊徑
桑榆陰道周
東都已做載
言歸望綠疇

新治北牕和何從事

國小暇日多
民淳紛務屏
闕牖期清曠
開簾候風景
泱泱日照溪
團團雲去嶺
峇嶢蘭棹峻
駢闐石路整
池北樹如浮
竹外山猶影
自來彌弦望
及君臨箕穎
清文蔚且詠
微言超已領
不見城壕側
思君朝夕頃
迴舟方在辰
何以慰延頸

奉和隨王殿下

玄冬寂修夜
天圍靜且開
亭臯霜氣愴
松宇清風來
高琴時以息
幽人多感懷
幸藉汾陽想
嶺首正徘徊
星回夜未艾
洞房凝遠情
雲陰滿池榭
中月懸高城
喬木含風霧
行鴈飛且鳴
平臺盛文雅
西園富羣英
芳慶良永矣
君王嗣德聲
眷此伊洛咏
載懷汾水情

詩集

言宗 不實集
願已非麗則恭惠奉仁明觀滿咏已失憮然愧簪纓

和王中丞聞琴

涼風吹月露圓景動清陰蕙風入懷抱聞君此夜琴
蕭瑟滿林聽輕鴻響礪音無爲澹容與蹉跎江海心

贈王主簿

日落窻中坐紅粧好顏色舞衣襞未縫琉璃黃覆不織
蜻蛉草際飛遊蜂花上食一遇長相惠願寄連翩翼

望三河

積水照蘋霞高臺望歸翼平原周遠近連汀見紆直
歲稔向春秀芸黃共秋色薄暮傷哉人嬋媛復何極

夜聽妓

瓊闥釧響聞瑤席芳塵滿要取洛陽人共命江南管
情多舞態遲意傾歌弄緩知君密見侵寸心傳玉盃
上客光四座佳麗直千金挂釵報纓絕墮珥答琴心
蛾眉已共笑清香復入襟歡樂夜方靜翠帳垂沈沈

和劉中書

昔余侍君子歷此遊荆漢山川隔舊賞朋僚多雨散
圖南矯風翮曾非息短翰移疾觀新篇披衣起淵翫
惆悵懷昔踐彷彿得殊觀蘋紫共彬駁雲錦相凌亂
奔星尚未窮驚雷下將半迴潮漬崩樹輪困亂傾岸

巖篠或旁翻石菌蕪修幹澄澄明浦媚行行清風爛
江潭良在目懷賢興累歎歲暮不我期淹留絕巖畔

出下館

麥候始清和涼雨銷炎燠紅蓮搖弱荇丹藤繞新竹
物色盈懷抱方駕娛耳目零落既難留何用存華屋

落日同何儀曹

參差複殿影氛氳綺羅雜風入天淵池芰荷搖復合
遠聽雀聲聚回望樹陰杳一賞桂尊前寧傷蓬鬢颯

詠薔薇

低枝詎勝葉輕香幸自通發萼初攢紫餘采尚霏紅

新花對白日故蘂逐行風參差不俱曜誰肯晒薇叢

咏琴

洞庭風雨幹龍門生死枝雕刻紛布漢冲響鬱清卮
春風搖蕙草秋月滿華池是時操別鶴淫淫客淚垂

還塗臨渚聯句

綠水纈清波青山繡芳質落景皎晚陰殘花綺餘日
何從事白沙澹無際青山眇如一傷此物運移惆悵望

還律具白水田外明孤嶺松上出即趣佳可淹淹留

非下秩府君

遙和

閒坐聯句

雨洗花葉鮮泉漫芳塘溢藉此間賦詩聊用蕩羈疾

陳 霰霏微雨散歲蕤蕙草密預藉芳筵賞沾生信昭

曹紀功 悉紫 葵窗外舒青荷池上出既闔潁川扉且臥

淮南秩君 流風蕩晚陰行雲掩朝日念此蕙蘭客徒

有芳菲質何從

後齋迴望

高軒瞰四野臨牖眺襟帶望山白雲裏望水平原外

夏木轉成帷秋荷漸如蓋鞏洛常睠然搖心似懸旆

與江水曹至干濱戲

山中上芳月故人清樽賞遠山翠百重迴流映千丈

花枝聚如雪垂藤散似網別後能相思何嗟異封壤

咏蒲

離離水上蒲結水散為珠間廁秋菡萏出入春鳧雛

初萌實離俎暮蘂樵椒塗所悲塘上曲遂鑠黃金軀

入琵琶峽望積布磯呈玄暉

劉繪

江山信多美此地最為神以茲峯石麗重在芳樹春

照爛虹蜺雜交錯錦繡陳差池若燕羽崩劣似龍鱗

却瞻了非向前觀已復新翠微上虧景青莎下拂津

巉巖如刻削可望不可親昔途首遐路未獲究清塵

誓將反初服歲暮請為隣

詠博山香爐

參差鬱佳麗合沓紛可憐
蔽虧千種樹出沒萬重山
上鏤秦王子駕鶴乘紫烟
下刻蟠龍勢矯首半銜蓮
芻爲伊水麗芝蓋出巖間
復有漢游女拾羽弄餘妍
榮色何雜揉縹綉更相鮮
麝麝或騰倚林薄杳芊眠
掩華終不發含薰未肯然
風生玉階樹露湛曲池蓮
寒蟲悲夜室秋雲沒曉天

望廡前水竹

顧則心

蕭蕭叢竹映澹澹平湖淨
葉倒漣漪文水樣檀藥影
相思不會面相望空延頸
遠天去浮雲長墟斜落景

梁

幽病與歲積賞心隨事屏
鄉念一遭迴白髮生俄頃

織婦

武帝

送別出南軒離思沈幽室
調梭輟寒夜鳴機罷秋日
良人在萬里誰與共成匹
願得一迴光照此憂與疾
君情倘未忘妾心長自畢

天安寺疏圃堂

乘和蕩猶豫此焉聊止息
連山去無限長洲望不極
參差照光彩左右皆春色
曖曖矚遊絲出沒看飛翼
其樂信難忘翛然寧有飾

玄圃講

昭明太子

白藏氣已暮玄英序方及稍覺蟬聲悽轉聞鳴鴈急
 穿池狀浩汗築峯形業岌盱雲緣宇陰晚景乘軒入
 風來幔影轉霜流樹條濕林際素羽翺翺倚間賴尾吸
 試欲遊寶山庶攸信根立名利白巾談筆札劉王給
 茲樂踰笙磬寧止消悵邑雖娛慧有三終寡聞知十

晚春

紫蘭初葉滿黃鶯弄始稀石蹲還似獸蘿長夏勝衣
 水曲文魚聚林暝雅鳥飛渚蒲變新節巖桐長舊圍
 風花落未已山齋開夜扉

晚景納涼

簡文帝

日移涼風散懷抱信悠哉珠簾影空捲桂戶向池開
 鳥棲星欲見河淨月應來橫堦入細笋蔽地濕輕苔
 草化飛為火蚊聲合似雷於茲靜聞見自此歇氛埃

初秋

羽嬰晨猶動珠汗晝恆揮秋風忽嫋嫋向夕引涼歸
 浮陰即染浪清氣始乘衣卷幌通河色開牕望月輝
 晚花欄下照疎螢簟上飛直置猶如此何況送將歸

關山月

元帝

朝望清波道夜上白登臺月中含桂樹流影自徘徊
 寒沙逐風起春花犯雪開夜長無與晤衣單誰與裁

遊沈道士館

沈約

秦皇御宇宙漢帝恢武功歡娛人事盡情性猶未充
銳意三山上託慕九霄中既表祈年觀復立望仙宮
寧為心好道直由意無窮曰予知止足是願不須豐
遇可淹留處便欲息微躬山嶂遠重疊竹樹近蒙籠
開襟濯寒水解帶臨清風所累非外物為念在玄空
朋來握石髓賓至駕輕鴻都令人徑絕唯使雲路通
一舉凌倒景無事適華嵩寄言賞心客歲暮爾來同

直學省愁臥

秋風吹廣陌蕭瑟入南閨愁人掩軒臥高牕時動扉

虛館清陰滿神宇暖微微網蟲垂戶織夕鳥傍欄飛
纓珮空為忝江海事多違山中有桂樹歲暮可言歸

別范安成

生平少年日分手易前期及爾同衰暮非復別離時
勿言一尊酒明日難重持夢中不識路何以慰相思

宿東園

陳王鬪雞道安仁采樵路東郊豈異昔聊可閑余步
野徑既盤紆荒阡亦交互權籬疎復密荆扉新且故
樹頂鳴風颯草根積霜露驚麇去不息征鳥時相顧
茅棟嘯愁鷗平岡走寒兔夕陰帶曾阜長烟引輕素

言宗 六齋集
飛光忽我適豈止歲云暮若蒙西山藥頽齡儻能度

早發定山

夙齡愛遠壑晚莅見奇山標峯綵虹外置嶺白雲間
傾壁忽斜豎絕頂復孤圓歸海流漫漫出浦水濺濺
野棠開未落山櫻發欲燃忘歸屬蘭杜懷祿寄芳荃
眷言採三秀徘徊望九仙

休沐寄懷

雖云萬重嶺所覩終一丘階墀幸自足安事遠遨遊
臨池清潯暑開幌望高秋園禽與時變蘭根應節抽
憑軒攀木末垂堂對水周紫穉開綠篠白鳥映青疇

艾葉彌南浦荷花遠北樓送日隱層閣引月入輕幃
爨熟寒蔬剪賓來春蟻浮來往既云勸光景爲誰留

渡泉嶠出諸山之頂

江淹

岑峯蔽日月左右信艱哉萬壑共馳騫百谷爭往來
鷹隼旣厲翼蛟魚亦曝鱗崩壁送枕臥斲石屢盤迴
伏波未能鑿樓船不敢開百年積流水千歲生青苔
行行詎半景予馬以長懷南方天炎火魂兮可歸來
從冠軍建平王登廬山香爐峯

廣成愛神鼎淮南好丹經此山具鸞鶴往來盡仙靈
瑤草正翕葩玉樹信蔥青絳氣下縈薄白雲上杳冥

中坐瞰蜿虹俛伏視流星不尋遐怪極則知耳目驚
日落長沙渚曾陰萬里生籍蘭素多意臨風默含情
方學松柏隱羞逐市井名幸承光誦末伏忠託後旌

班婕妤好

紈扇如團月出自機中素畫作秦王女乘鸞向煙霧
彩色世所重雖新不代故竊愁涼風至吹我玉階樹
君子恩未畢零落在中路

魏文帝

置酒坐飛閣逍遙臨華池神飆自遠至左右芙蓉披
綠竹夾清水秋蘭被幽崖月出照園中冠佩相追隨

客從南楚來為我吹參差淵魚猶伏浦聽者未云疲
高文一何綺小儒安足為肅肅廣殿陰雀聲愁北林
眾賓還城邑何用慰我心

陳思王

君王禮英賢不恡千金璧雙闕指馳道朱宮羅第宅
從容冰井臺清池映華薄涼風盪芳氣碧樹先秋落
朝與佳人期日夕望青閣褰裳摘明珠徒倚拾蕙若
眷我二三子辨義麗金臚延陵輕寶劍李布重然諾
處富不忘貧有道在葵藿

王侍中

伊昔值世亂秣馬辭帝京既傷蔓草別方知杖杜情
嶠函復丘墟冀闕緬縱橫倚棹泛涇渭日暮山河清
蟋蟀依桑野嚴風吹枯莖鸛鷁在幽草客子淚已零
去鄉三十載幸遭天下平賢主降嘉賞金貂服玄纓
侍宴出河曲飛蓋遊鄴城朝露竟幾何忽如水上萍
君子篤惠義柯葉終不傾福履既所綏千載垂令名

陸平原

儲后降嘉命恩紀被微身剛發眷桑梓永歎懷睿親
流念辭南瀛銜怨別西津驅馬遵淮泗旦夕見梁陳
服義追上列矯迹廁宮臣朱黻咸髦士長纓皆俊民
契闊承華內綢繆踰歲年日暮聊摠駕逍遙觀洛川
徂役多拱木宿草凌寒煙遊子易感慨躑躅還自憐
願言寄三鳥離患非徒然

劉太尉

皇晉邁陽九天下橫氛霧秦趙值薄蝕幽并逢虎據
伊余荷寵靈感激徇馳騫雖無六奇術冀與張韓遇
甯戚扣角歌桓公遭乃舉荀息冒險難實以忠良故
空令日月逝愧無故人度飲馬出城濠北望沙漠路
千里何蕭條白日隱寒樹投袂既憤懣撫枕懷百慮
功名惜未立玄髮已改素時戎苟有會治亂唯冥數

謝僕射

信矣勞物化憂衿未能整薄言遵郊衢總轡出臺省
淒淒節序高寥寥心悟永時菊曜巖阿雲霞冠秋嶺
眷然惜良辰徘徊踐落景卷舒雖萬緒動復歸有靜
曾是迫棗榆歲暮從所乘丹壑不可攀忘懷寄匠郢

陶徵君

種苗在東皋苗生滿阡陌雖有荷鋤倦濁酒聊相適
日暮巾柴車路闇光已夕歸人望烟火稚子候簷隙
問君亦何爲百年會有役但願桑麻成蠶月得紡績
素心正如此開徑望三益

休上人

西北秋風至楚客心悠哉日暮碧雲合佳人殊未來
露彩方泛豔月華始徘徊寶書爲君掩瑤琴詎能開
相思巫山渚悵望陽雲臺膏鑪絕沈燎綺席生浮埃
桂水日千里因之平生懷

古別離

遠與君別者乃至鴈門關黃雲蔽千里遊子何時還
送君如昨日簷前露已團不惜蕙草晚所悲道里寒
君在天一涯妾身長別離願一見顏色不異瓊樹枝
兔絲及水萍所寄終不移

之零陵郡次新亭

范雲

江干遠樹浮天末孤烟起江天自如合烟樹還相似
滄流未可源高颿去何已

贈張徐州謖

田家樵採去薄暮方來歸還聞稚子說有客款柴扉
儂從皆珠玑裘馬悉輕肥軒蓋照墟落傳瑞生光輝
疑是徐方牧既是復疑非思舊昔言有此道今已微
物情棄疵賤何獨顧衡闈恨不具雞黍得與故人揮
懷情徒草草淚下空霏霏寄書雲間鴈爲我西北飛

閨思

春草醉春煙淡閨人獨眠積恨顏將老相思心欲然
幾迴明月夜飛夢到郎邊

古意酬到長史溉登琅邪城

徐悝

甘泉警烽候上谷拒樓蘭此江稱豁險茲山復鬱盤
表裏窮形勝襟帶盡巖巒修篁壯下屬危樓峻上干
登陴起遐望迴首見長安金溝朝灞澹甬道入鴛鸞
鮮車驚華轂汗馬躍銀鞍少年負壯氣耿介立衝冠
懷紀燕山石思開函谷丸豈如霸上戲羞取路傍觀
寄言封侯者數奇良可歎

侍宴樂遊苑送張徐州應詔詩

丘遲

詰旦闐闐開馳道聞鳳吹輕萼承玉輦細草藉龍騎
風遲山尚響雨息雲猶積巢空初鳥飛荇亂新魚戲
寔唯北門重匪親孰為寄參差別念舉肅穆恩波被
小臣信多幸投生豈酬義積一作汝

題琴材奉柳吳興

邊山此嘉樹搖影出雲垂清心有素體直幹無曲枝
凡耳非所別君子特見知不辭去根本造膝仰光儀

濟浙江

任昉

昧旦乘輕風江湖忽來往或與歸波送乍逐翻流上
近岸無暇目遠峯更興想綠樹懸宿根丹崖頽久壤

秋日愁居答孔主簿

王僧孺

首秋雲物善晝暑已猶清日華隨水汎樹影逐風輕
依簾野馬合當戶昔耶生物我一無際人鳥不相驚
儻過北山北聊訪法高卿

江南行

柳惲

汀洲採白蘋日暖江南春洞庭有歸客瀟湘逢故人
故人何不返春花復應晚不道新知樂祇言行路遠

擣衣篇

行役滯風波遊人淹不歸亭臯木葉下隴首秋雲飛
寒園夕鳥集思牖草蟲悲嗟矣當春服安見禦冬衣

奉和春夜應令

庾肩吾

春隔對芳洲珠簾新上鈎燒香知夜漏刻燭驗更籌
天禽下北閣織女入西樓月皎疑非夜林疎似夏秋
水光懸蕩壁山翠下添流詎假西園讌無勞飛蓋遊

從皇太子出玄圃應令

春光起麗譙屣步陟山椒閣影臨飛蓋鶯鳴入洞簫
水還登故渚樹長蔭前橋綠荷生綺葉丹藤上細苗
顧循慙振藻何用擬瓊瑤

同柳吳興何山集送劉餘杭

吳均

王孫重離別置酒峯之巖透迤川上草參差澗裏薇
輕雲初遠出細雨沐山衣檐端木禽息牕上野螢飛
君隨綠波遠我逐清風歸

贈王桂陽

松生數寸時遂為草所沒未見籠雲心誰知負霜骨
弱幹可摧殘纖莖易凌忽何當數千尺為君覆明月

梅花

梅性本輕蕩世人相凌賤故作負雪花欲使綺羅見
但願淡相知早摧非所戀

送柳吳興竹亭集

平原不可望波瀾千里直夕魚汀下戲暮雨簷中息

白雲時去來青峯復負側躑躅牛羊下晦昧崦嵫色
王孫猶未歸且聽西光匿

秋夕仰贈從兄實南

何遜

堦蕙漸翻葉池蓮稍罷花高樹北風響空庭秋月華
寸心懷是夜寂寂漏方賒撫絃之歡娛臨觴獨歎嗟
淒愴戶涼入徘徊欄影斜無爲淹戚里見就還田家
渡連圻

此山多靈異峻岨實非恆狀流自洄糾激瀨視奔騰
懸厓抱奇崛絕壁架峻嶒磳礫上爭險岵嶇下相崩
百年積死樹千尺挂寒藤詭怪終不測迴沈意難登

願欲書聞見聊以寄親朋

答高博士

北窻涼夏首幽居多卉木飛蝶弄晚花清池映疎竹
爲宴得悵性安閒聊鼓腹將子厭囂塵就予開耳目
見征人分別

淒淒日暮時親賓俱佇立征人拔劍起兒女牽衣泣
候騎出蕭關追兵赴馬邑且當橫行去誰論裹屍入
野夕答孫郎權

山中氣色滿墟上生煙露杳杳星出雲啾啾雀隱樹
虛館無賓客幽居之歡趣思君意不窮常如流水注

暮秋答朱記室

游揚日色淺騷屑風音勁寒潭見底清風色極天淨
寸陰坐銷鑠千里長遼迴桃李爾繁華松柏余本性
故心不存此高文徒可咏

閨情

王筠

月出宵將半星流曉未央空閨易成響虛室自生光
嬌羞悅人夢猶言君在傍

望夕霽

連山捲族雲長林息衆籟密樹含綠滋遙峯凝翠靄
石溜止潺潺山泉始澄汰物華方入賞歧子心期會

夜不得眠

劉孝綽

夜長愁反覆懷抱不能裁披衣坐惆悵當戶立徘徊
風音觸樹起月色度雲來夏葉依窓落秋花當戶開
光陰已如此復持憂自催

筵簾謠

劉孝威

結交在相得骨肉何必親甘言無忠實世薄多蘇秦
從風慙靡草富貴上昇天不見山巔樹摧圮下爲薪
豈甘井中泥上出作埃塵

望雨

清陰蕩暄濁飛雨入階廊瞻空亂無緒望雷耿成行

言宗 一 雙集
交枝含曉潤雜葉帶新光浮芥離還散浴漚滅復張
浴禽飄落毳風符散餘香璫綃挂繡幕象簞列華床
侍童拂羽扇廚人奉盞漿寄言楚臺客雄風詎獨涼
奉和逐涼
鐘鳴夜未央避暑起徬徨長河似曳素明星若散璫
倚巖欣石冷臨池愛水涼月纖張敞畫荷妖韓壽香
對此遊清夜何勞娛洞房

往虎窟山寺

孔 熹

聖情想區外脂駕出西南前驅聞鳳管後乘躍龍驂
爰遊非逸豫幽谷有靈龕兼覲息心者宴坐臨清潭
禪食寧須稼雲衣不待蠶蘋苕緣礪壓蘿葛蔓松楠
鶯林響初轉春畦藥發合惑心隨教遣法味與恩覃
庶憑八解力永滅六塵貪

登鐘山下峯望

虞 騫

冠者五六人攜手巖之際散意百仞端極目千里睇
疊岫乍昏暈浮雲時卷閉遙望野樹短遠望樵人細
詠螢火

沈 旋

火中變腐草明滅靡恆調雨墜弗虧光陽昇反奪炤
泊樹類彘星集草疑餘燎望之如可灼攬之徒有耀

芳樹

費 昶

言宗 才集
幸被夕風吹屢得朝光照枝偃疑欲舞花開似含笑
長夜踏悠悠所思不可招行人早旋返賤妾猶年少

秋日

鮑泉

露色已成霜梧楸欲半黃燕去欄恆靜蓮寒池不香
夕鳥飛向月餘蚊聚逐光旋情恆自苦秋夜漸應長

對雨

朱超道

當夏苦炎埃習靜對花臺落照依山盡浮涼帶雨來
重雲吐飛電高棟響行雷灑樹輕花發滴沼細萍開
汎沫縈階草秀流起砌苔無因假輕蓋徒然想上才

前溪歌

包明月

陳
當曙與未曙百鳥啼前窻獨眠抱被歎憶我懷中儂
單情何時雙

上巳宴麗暉殿各賦一字十韻

後主

芳景滿闌牕暄光生遠阜夏以登臨趣還勝被禊酒
日照源上桃風搖城外柳斷雲仍合霧輕霞時映牖
遠樹帶山高嬌鸞合響偶一峯遙落日數花飛映綬
度鳥或過檐飄絲屢薄藪言志遽爲樂置觴方薦壽
文學且迺筵羅騎令陳後干戈幸勿用寧須勞馬首
春色禊辰盡當曲宴各賦十韻

餘春尚芳菲中園飛桃李是時乃季月茲日叶上巳

既有遊伊洛可以祓溱洧得性足爲娛高堂聊復擬
高堂亦有趣圖續此芳軌棲遁稱式驂善政日馴雉
蘭桂觀往轍簪裾躡前趾啼禽靜或喧花落低還起
水霧遙混集山雲遠相似坐客聽一言隨吾祛俗鄙
祓禊汎舟春日玄圃各賦七韻

園林多趣賞祓禊樂還尋春池已渺漫高枝自巖森
日裏絲光動水中花色沈安流淺易榜峭壁迴難臨
野鶯添管響溪岫接鏡音山遠風煙麗苔輕激浪侵
置酒來英雅嘉賢良所欽

江津送劉光祿不及

陰鏗

依然臨送渚長望倚河津鼓聲隨聽絕帆勢與雲鄰
泊處空餘鳥離亭已散人林寒正下葉釣晚欲垂綸
如何相背遠江漢與城闔

班婕妤怨

柏梁新寵盛長信昔恩傾誰謂詩書巧翻爲歌舞輕
花月分牕進苔草共階生接淚衫前滿單暝夢裏驚
可惜逢秋扇何用合歡名

和登百花亭懷荆楚

江陵一柱觀潯陽千里潮風烟望似接川路恨成遙
落花輕未下飛絲斷易飄藤長還似格荷生不避橋

陽臺可憶處惟有暮將朝

和傅郎歲暮還湘州

蒼茫歲欲晚辛苦客方行大江靜猶浪扁舟獨且征
棠枯絳葉盡蘆凍白花輕戍人寒不望沙禽迴未驚
湘波各深淺空軫念歸情

咏石

天漢支機罷仙嶺博碁餘零陵舊時燕昆池本學魚
雲移蓮勢出苔駁錦紋疏還當穀城下別自解兵書

山齋

徐陵

桃源驚往客鶴嶠斷來賓復有風雲處蕭條無俗人

山寒微有雪石路本無塵竹徑蒙籠巧茅齋結構新
燒香披道記懸鏡壓山神砌水何年溜簷桐幾度春
雲霞一已絕寧辨漢將秦

和王舍人送客未還閨中有望

倡人歌吹罷對鏡覽紅顏拭粉留花稱除釵作小鬟
綺燈停不滅高扉掩未關良人在何處光唯見月還

咏老馬

沈炯

昔日從戎陳流汗幾東西一日馳千里三丈拔深泥
渡水頻傷骨翻霜屢損蹄勿言年齒暮尋途尚不迷

畱贈山中隱士

周弘讓

言宗 一寅集
行行訪名嶽處處必留連遂至一巖裏灌木上參天
忽見茅茨屋曖曖有人煙一士開門出一士呼我前
相看不道姓焉知隱與仙

庚寅年二月十二日遊虎丘精舍 江 摠

縱棹憐迴曲尋山靜見聞每從芳杜性須與俗人分
貝塔涵流動花臺偏領芬蒙籠出檐桂散漫繞窻雲
情幽豈狗物志遠易驚羣何由狎魚鳥不願屈玄纁

入攝山棲霞寺

淨心抱冰雪暮齒逼桑榆太息波川迅悲哉人世拘
歲華皆採穫冬晚共 枯濯流濟八水開襟入四衢

茲山靈妙合當與天地俱石瀨乍深淺崖烟遞有無
鐵碑橫古隧盤木臥荒塗行行備履歷步步躡威紆
高僧迹共遠勝地心相符樵隱各有得丹青獨不渝
遺風佇芳桂比德喻生芻寄言長往客悽然傷鄙夫

遊攝山棲霞寺

霖霖時雨霽清和孟夏肇栖宿綠野中登頓丹霞杪
敬仰高人德抗志塵物表三空豁已悟萬有一何小
始從情所寄冥期諒不少荷衣步林泉麥氣涼昏曉
乘風面泠泠候月臨皎皎煙崖憇古石雲路排正鳥
披逕憐森沉攀條惜杳裊平生忘是非朽謝豈矜矯

五淨自此涉六塵庶無擾

靜臥棲霞寺房望徐祭酒

絕俗俗無侶修心心自齋連屋夕氣合虛宇宿雲霾
臥藤新接戶敲石久成堦樹聲非有意禽戲似忘懷
故人市朝狎心期林壑乖惟憐對芳杜可以為吾儕

賦得招隱

伏知道

招隱訪仙楹丘中琴正鳴桂叢侵石路桃花隔世情
薄暮安車近林喧山鳥驚

登吳昇平亭

釋洪偃

蕭蕭物候晚肅肅天望清旅人聊策杖登高蕩客情

北魏

川原多舊迹墟里或新名宿煙浮始旦朝日照初晴
獨遊乏徒侶徐步寡逢迎信矣非吾托賞心何易并

詠花蝶

溫子昇

素蝶向林飛紅花逐風散花蝶俱不息紅素還相亂
芬芬共襲手葳蕤從可玩不慰行客心遽動離居歎

大堤女

王容

寶髻耀明璫香羅鳴玉佩大堤諸女兒一一皆春態
入花花不見穿柳柳陰碎東風拂面來由來亦相愛

從北征

祖珽

翠旗臨塞道靈鼓出桑乾祁山斂霧霧瀚海息波瀾

北齊

成亭秋雨急關門朔氣寒方繫單于頸歌舞入長安

春庭晚望

蕭 慤

春庭聊縱望樓臺自相隱窻梅落晚花池竹開初筍
泉鳴知水急雲來覺山近不愁花不飛到畏花飛盡

秋思

清波收潦日華林鳴籟初芙蓉露下落楊柳月中疎
燕幃細綺被趙帶流黃裾相思阻音息結夢感離居

早春

宗 慤

昨暝春風起今朝春氣來鸞鳴一兩嚶花樹數重開
散粉成初蝶剪綵作新梅游客傷千里無暇上高臺

周北

擬詠懷

庾 信

步兵未飲酒中散未彈琴索索無真氣昏昏有俗心
涸鮒常思木鷲飛每失林風雲能變色松竹且悲吟
由來不得意何必往長岑

憤憤天公曉精神殊乏少一郡催曙雞數處驚眠鳥
其覺乃于于其憂惟悄悄張儀稱行薄管仲稱器小
天下有情人居然性靈夭

懷抱獨惛惛平生何所論由來千種意併是桃花源
穀皮兩書帙壺盧一酒尊自知費天下也復何足言
奉和永豐殿下言志

披林求木實拂雪就園蔬濁醪非鶴髓蘭肴異蟹蛆
野情風月曠山心事疏徒知守瓴甃空欲報璠璣

詠畫屏風詩

逍遙遊桂苑寂絕到桃源狹石分花徑長橋映水門
管聲驚百鳥人衣香一園定知歡未足橫琴坐石根
昨夜鳥聲春驚鳴動四隣今朝梅樹下定有咏花人
流星浮酒泛粟瑱繞杯脣何勞一片雨喚作陽臺神

奉報窮秋寄隱士

王倪逢噉鼓桀溺偶長沮藜床負日臥麥隴帶經鋤
自然曲木几無名科斗書聚花聊飼雀穿池始養魚

小村治澁路低田補壞渠秋水牽沙落寒藤抱樹疎
空枉平原騎來過仲蔚廬

園庭

杖鄉從物外養學事閑郊窮秋方汗簡無遇始觀爻
谷寒已吹律檐空夏剪菲樵隱恆同路人禽或對巢
木蒲開晚結風竹解寒苞古槐時變火枯楓乍落膠
倒屣迎懸榻停琴聽解嘲香螺酌美酒枯蚌藉蘭殼
飛魚時觸釣翳雉屢懸庖但使相知厚當能來結交

歸田

務農勤九穀歸來嘉一廛穿渠移木碓燒棘起山田

言集
樹陰逢歇馬魚潭見灑船苦李無人摘秋瓜不直錢
社雞新欲伏原蠶始更眠今日張平子翻為人所憐

山齋

寂寞尋靜室蒙密就山齋滴瀝泉澆路穹窿石臥堦
淺槎全不動盤根唯半埋圓珠墜晚菊細火落空槐
直置風雲慘彌憐心事乖

五盛陰

釋亾名

先去非長別後來非久親新墳將舊塚相次似魚鱗
茂陵誰辨漢驪山詎識秦千年與昨日一種併成塵
定知今世上還是昔時人焉能取他骨復持埋我身

隋

山齋獨坐贈薛內史

楊素

居山四望阻風雲竟朝夕溪橫古樹空巖臥幽石
日出遠岫明鳥散空林寂蘭庭動幽氣竹室生虛白
落花入戶飛細草當堦積桂酒徒盈尊故人不任席
日暮山之幽臨風望羽客

巖壑澄清景景清巖壑深白雲飛暮色綠水激清音
澗戶散餘絲山窻凝宿陰花草共榮暎樹石相陵臨
獨坐對陳榻無客有鳴琴寂寂幽山裏誰知無悶心

贈薛播州

養病願歸閒居榮在知足棲遲茂陵下優遊滄海曲

詩集

二

言宗
古人情可見今人遵路躅荒居接野窮心物俱非俗
桂樹芳叢生山幽竟何欲
銜悲向南浦寒色黯沈沈風起洞庭險煙生雲澤深
獨飛時暮侶寡和乍孤音木落悲時暮時暮感離心
離心多苦調詎假雍門吟

昔昔鹽

薛道衡

歌詩謂之鹽如吟行曲引之類突厥鹽阿鵲
鹽黃帝鹽等是也

垂柳覆金堤薜蘿葉復齊木溢芙蓉沼花飛桃李蹊
采桑秦氏女織錦賈家妻關山別蕩子風月守空閨
恒斂千金笑長垂雙玉啼盤龍隨鏡隱綵鳳逐帷低
飛魂同夜鵲倦寢憶晨雞暗牖懸蛛網空梁落燕泥
前年過代北今歲往遼西一去無消息那能惜馬蹄

東歸在路率爾成詠

孫萬壽

學宦兩無成歸心自不平故鄉尚千里山秋猿夜鳴
人愁慘雲色客意慣風聲羈恨雖多緒俱是一傷情

別宋常侍

尹式

遊人杜陵北送客漢川東無論去與住俱是一飄蓬
秋鬢含霜白衰顏倚酒紅別有相思處啼鳥雜夜風
書屏風詩
大義公主

大義公主後周宇文氏女為突厥沙鉢略妻
 初名千金公主隋滅周自傷宗社絕滅每懷
 復隋之志日夜言於沙鉢略後沙鉢略內附
 賜姓楊氏改封大義公主隋平陳後以陳叔
 寶屏風賜主主心恆不平因書屏風為詩
 盛衰等朝暮世道若浮萍榮華實難守池臺終自平
 富貴今何在空事寫丹青盃酒恆無樂弦歌詎有情
 余本皇家子飄流入虜庭一朝觀成敗懷抱忽縱橫
 古來共如此非我獨申名唯有明君曲偏傷遠嫁情

詩宗實集卷五

詩宗實集卷六

古詩 五言二百二十七首

正朝臨朝

太宗皇帝

條風開獻節衣律動初陽百變奉遐賚萬國朝未央
 雖無舜禹跡幸欣天地康車軌同八表書文混四方
 赫奕儼冠蓋紛綸盛服章羽旄飛馳道鐘鼓振巖廊
 組練輝霞色霜戟耀朝光晨宵懷至理終愧撫遐荒

述懷

魏徵

中原還逐鹿投筆事戎軒縱橫計不就慷慨志猶存
 策杖謁天子驅馬出關門請纓繫南越憑軾下東藩

上唐

言集
鬱紆陟高岵出沒望平原古木鳴寒鳥空山啼夜猿
既傷千里目還驚九折魂豈不憚艱險深懷國士恩
季布無二諾侯嬴重一言人生感意氣功名誰復論

山亭夜宴

王勃

桂宇幽襟積山亭涼夜永森沈野徑寒肅穆巖扉靜
竹海南河色荷翻北潭影清興殊未歸林端照初景

詠風

肅肅涼景生加我林壑清驅煙尋澗戶卷霧出山楹
去來固無迹動息如有情日落山水靜為君起松聲

忽夢遊仙

僕本江上客牽迹在方內寐寤霄漢間居然有靈對
翕爾登霞首依然躡雲背電策驅龍光煙途儼鸞態
乘月披金帔連星解瓊珮浮世俄易歸真魂邈難再
寥廓沈遐想周遑奉遺誨流俗非我鄉何當釋塵昧

西陵峽

楊炯

絕壁聳萬仞長波射千里盤薄荆之門滔滔南國紀
楚都昔全盛高丘烜望祀秦兵一朝侵夷陵火潛起
四維不復設關塞良難恃洞庭且忽為孟門終已矣
自古天地闢流為峽中水行旅相贈言風濤無極已
及余踐斯地環奇信為美江山若有靈千載伸知己

秋日題南陽潭壁

劉庭芝

獨坐秋陰生悲來從所適行見汝陽潭飛蘿蒙水石
懸瓢木葉上風吹何歷歷幽人不耐煩振杖步閒寂
迴流清見底金沙覆銀礫錯落非一文空隴幾千尺
魚鱗可憐紫鴨毛自然碧吟咏秋水篇渺然亾損益
秋水隨形影清濁混心跡歲暮歸去來東山余宿昔

孤松篇

蠶月桑葉青鶯時柳花白澹豔煙雨姿散芬陽春陌
如何秋風起零落從此始獨有南澗松不歎東流水
玄陰天地冥皓雪朝夜零豈不罹寒暑為君留青青

青青好顏色落落任孤直羣樹遙相望眾草不敢逼
靈龜卜真隱仙鳥空棲息恥受秦帝封願言唐侯食
寒山夜月明山冷氣清清淒兮歸風集吹之作琴聲
松子臥仙岑寂聽凝野心清冷有真曲樵採無知音
美人何時來幽逕委綠苔吁嗟溪壠底棄捐廣廈材

蜀城懷古

蜀土遶水竹吳天積風霜窮覽通表裏氣色何蒼蒼
舊國有年代青樓思豔妝古人無歲月白骨冥丘荒
寂歷彈琴地幽沈讀書堂玄龜埋卜室彩鳳滅詞場
陣圖一一在柏樹雙雙行鬼神清漢廟鳥雀參秦倉

歎世已多感懷心益自傷賴蒙靈丘境時當明月光

感遇詩

陳子昂

微月生西海幽陽始化昇圓光正東滿陰魄已朝凝
太極生天地三元更廢興至精諒斯在三五誰能徵
樂羊爲魏將食子殉軍功骨肉且相薄他人所得忠
吾聞中山相乃屬放麇翁孤獸猶不忍况以奉君終
市人矜巧智於道若童蒙傾奪相誇侈不知身所終
曷見玄冥子觀世玉壺中杳然遺天地乘化入無窮
林居病時久水木澹孤清閑臥觀物化悠然念無生
青春始萌達朱火已滿盈徂落方自此感歎何時平

本爲貴公子平生實愛才感時忠報國拔劍起蒿萊
西馳丁零塞北上單于臺登山見千里懷古心悠哉
誰言未忘禍磨滅成塵埃

吾愛鬼谷子青溪無垢氛囊括經世道遺身在白雲
七雄方龍鬪天下亂無君浮榮不足貴遵養晦時文
舒之彌宇宙卷之不盈分豈徒山木壽空與麋鹿羣
竭來豪遊子勢利旣之門如何蘭膏嘆感激自生冤
衆趨明所避時棄道猶存雲泉旣已失羅網與誰論
箕山有高節湘水有清源惟應白鷗鳥可與洗心言
白日每不歸青陽時暮矣茫茫吾何患林臥觀無始

言宗
不實集
衆芳委時晦鷓鴣鳴悲耳鴻荒古已頽誰識巢居子
聖人不利己憂濟在元元黃屋非堯意瑤臺安可論
吾聞西方化清淨道彌敦奈何窮金玉彫刻以爲尊
雲構山林盡瑤圖珠翠煩鬼功尚未可人力安能存
夸愚適增累矜智道逾昏

幽居觀大運悠悠念羣生終古代興沒豪望莫能爭
三季淪周赧七雄滅秦嬴復聞赤精子提劍入咸京
炎光既無象晉虜復縱橫堯禹道已昧昏虐勢方行
豈無當世雄天道與胡共咄咄安可言時醉而未醒
仲尼溺東夏伯陽遁西溟大運自古來旅人胡嘆哉

吾觀崑崙化日月淪洞冥精魄相交會天壤以羅生
仲尼推太極老聃貴窈冥西方金仙子崇議乃無明
空色皆寂滅緣業定何成名教信紛藉死生俱未停

酬暉上人秋夜山亭有贈

皎皎白林秋微微翠山靜禪居感時變獨坐開軒屏
風泉夜聲雜月露霄光冷多謝忘機人塵憂未能整

月夜有懷

美人挾趙瑟微月在西軒寂莫夜何久殷勤玉指繁
清光委衾枕遙思屬湘沅空簾隔星漢猶多感精魂

和杜麟臺元志春情

沈佺期

嘉樹滿中園氛氳羅秀色不見僊山雲倚琴空太息
沈思若在夢緘怨似無憶青春坐南移白日忽西匿
蛾眉返青鏡閨中不相識

黃鶴

黃鶴佐丹鳳不能羣白鷗拂雲遊四海弄影到三山
遙憶君軒上來下天池間明珠世不重知有報恩環

題老松樹

宋之問

歲晚東巖下周顧何悽惻日落西山陰衆草起寒色
中有喬松樹使我長歎息百尺無寸枝一生自孤直
雨從箕山來

雨從箕山來倏與飄風度晴暘西峯日綠縹南溪樹
此時客精廬幸蒙真僧顧深入清淨理妙斷往來趣
意得兩契如言盡共忘諭觀花寂不動聞鳥懸可悟
向夕聞天香淹留不能去

別之望後獨宿藍田山莊

鵲鶴有舊曲調苦不成歌自歎兄弟少常嗟離別多
爾尋北京路予臥南山阿泉晚愛幽咽雲秋尚嵯峨
藥欄聽蟬噪書幌見禽過愁至願甘寢其如鄉夢何

初到陸渾山莊

投衣感窮節策馬臨伊關歸齊逸人趣日覺秋琴閒

寒露衰北阜夕陽破東山浩歌步榛樾棲鳥隨我還

浣紗篇贈陸上人

越女顏如花越王聞浣紗國微不自寵獻作吳王娃
山藪半潛匿苧蘿夏蒙遮一行霸句踐再笑傾夫差
豔色奪人目敷頰亦相誇一朝還舊都靚粧尋若耶
鳥驚入松網魚畏沈荷花始覺冶容安方悟羣心邪
欽子秉幽意世人共稱嗟願言托君懷倘類蓬生麻
家住雷門曲高歌凌飛霞淋漓翠羽帳旖旎彩雲車
春風豔楚舞秋月纏胡笳自昔專嬌愛襲玩唯矜奢
達本知空寂棄彼猶泥沙永割偏執性自長薰脩芽

攜妾不障道來止妾西家

下柱江懸黎壁

放溜觀前激連山分上千江回雲壁轉天小霧峯攢
吼沫跳急浪合流環峻灘敲雜出漩劃繚繞避渦盤
舟子怯桂木最云斯路難吾生抱忠信吟嘯自安閒
旦別已千歲夜愁勞萬端企予見夜月委曲破林巒
潭曠竹煙盡洲香橘露團豈傲宿所好對之與俱歡
思君罷琴酌泣此夜漫漫

奉使嵩山途經緱嶺

侵星發洛城城中歌吹聲畢景至緱嶺嶺上煙霞生

言宗 二 寶集

草樹饒野意山川多故情大隱德所薄歸來可退耕

答宋十一崖口五渡見贈 李 適

聞君訪遠山躋險造幽絕眇然青雲境觀奇彌年月
登嶺亦泝溪孤舟事沿越萼嶂傳彩翠厓磴互敲鼓
石林上攢叢金澗下明滅捫壁窺丹井梯苔瞰乳穴
忽在岩中贈對翫未嘗輟殷勤獨往事委曲煉藥說
邀余名山期從爾汎海渤歲晏秉宿心斯言匪張設

早春魚山亭 薛 稷

春色動百草紛榮時斷續白雲自高妙徘徊空山曲
陽林花已紅寒礪苔未綠伊余息人事蕭寂無營欲

客行須去遠翫之聊自足

哭富嘉謨 吳少微

吾友適不死於戲社稷臣直祿非造利長懷大庇人
乃通承明籍邁此敦祥春藥礪其可畏皇穹故匪仁
疇昔與夫子孰云異天倫同病一相失茫茫不重陳
子之文章在其殆尼父新鼓興幹河嶽貞詞毒鬼神
可悲不可朽車馬缺荒榛聖主賢為寶吁茲大國貧

古意 邢象玉

家中新酒熟園裏木初榮佇杯欲取醉悒然思友生
忽聞有奇客何姓復何名嗜酒陶彭澤能琴阮步兵

詩宗 八 寶集 八

何須問寒暑徑共坐山亭舉袂祛啼鳥揚巾掃落英
心神無俗累歌詠有新聲新聲是何曲滄浪之水清

代書寄吉十一

張說

一鴈雪上飛值我衡陽道口銜離別字遠寄當歸草
目想春來遲心驚寒去早憶鄉乘羽翮慕侶盈懷抱
零落答故人將隨江樹老

雜詩

山間苦積雨木落悲時遽賞心凡幾人良辰在何處
觸石滿堂侈灑我終夕慮客鳥懷主人銜花未能去
剖珠貴分明琢玉忠堅貞要君意如此終始莫相輕

過賈六

蘇晉

主人病且閑客來情彌適一酌復一笑不知日將夕
昨來屬歡遊於今盡成昔努力持所趣空名定何益

感遇

張九齡

蘭蕊春葳蕤桂花秋皎潔欣欣此生意自以為佳節
誰知林栖者聞風坐見悅草木有本心何求美人折
幽林歸獨臥滯慮洗孤清持此謝高鳥因之傳遠情
日夕懷空意人誰感至精飛沉理自隔何所慰吾誠
吳越數千里夢寐今夕見形骸非我親衾枕即鄉縣
化蝶猶不識川魚安可羨海上有仙山歸期覺神變

江南有丹橘經冬猶綠林豈伊地氣暖自有歲寒心
可以薦嘉容奈何阻重溪運命推所遇循環不可尋
徒言樹桃李此木豈無陰

魚遊樂溪池鳥栖欲高枝嗟爾蜉蝣羽薨薨亦何爲
有生豈不化所感奚若斯神理日微滅吾心安得知
浩歎楊朱子徒然泣路歧

孤鴻海上來池潢不敢顧側見雙翠鳥巢在三株樹
矯矯珍木顛得無金丸懼美服患人指高岫逼神惡
今我遊冥冥弋者何所慕

西日下山隱北風乘夕流燕雀感昏旦檐楹呼匹儔

鴻鵠雖自遠哀音非所求貴人棄疵賤下士常殷憂
衆情累外物恕已忘內修感歎長如此使我心悠悠

題畫山水障

心累猶不盡果爲物外牽偶因耳目好復假丹青妍
嘗抱野間意而迫區中緣塵事固已矣秉意終不遷
良工適我願妙墨揮巖泉變化合羣有高溪侔自然
置陳北堂上倣像南山前靜無戶庭出行已茲地偏
萱草憂可樹合歡忿亦蠲所因本微物况乃憑幽筌
言象會自泯意色聊相宣對翫有佳趣使我心渺綿

馬嵬卿叔池亭寄京都一二知己 王 灣

言宗
忝職幾旬淹濫陪時俊後才輕策疲劣勢薄常驅走
牽役勞風塵素心在巖藪宗賢開別業形勝代希偶
竹繞清渭濱泉流白渠口逡巡期賞會揮忽變星斗
遠此乘務閒因而訪幽叟入來殊景物行得洗紛垢
林靜秋色多潭深月光厚盛香蓮近折新味瓜初剖
滯拙懷隱淪書之寄良友

清鏡嘆同張嗣府賦

孟浩然

妾有盤龍鏡清光常晝發自從生塵埃有若霧中月
愁來試取照坐歎生白髮寄語邊塞人如何久離別
採樵作

採樵入溪山山溪水重疊橋崩臥查擁路險垂藤接
日落伴將稀山風拂羅衣長歌負輕策平野望煙歸
月下有懷

秋空明月懸光彩露溼驚鵲栖未定飛螢捲簾入
庭窻寒影疎隣杵夜淡急佳期曠何許望望空佇立
送從弟下第後歸會稽

疾風吹征帆倏爾向空沒千里去俄頃三江坐超忽
向來共歡娛日夕成楚越落羽更分飛誰能不驚骨
歲暮海上作

仲尼既云沒余亦浮于海昏見斗柄迴方知歲星改

虛舟任所適垂釣非有待爲問乘槎人滄洲復何在
宿叢師山房待丁公不至

夕陽度西嶺羣壑倏已暝松月生夜涼風泉滿清聽
樵人歸欲盡煙鳥栖初定之子期宿來孤琴候蘿徑

聽鄭五惜琴

阮籍推名飲清風坐竹林半酣下衫袖拂拭龍脣琴
一杯彈一曲不覺夕陽沈余意在水木間之諧風心

萬山潭

垂釣坐盤石水清心亦閒魚行潭水下猿挂鳥藤間
游女昔解珮傳聞於此山求之不可得沿月棹歌還

耶溪泛舟

落景餘清暉輕棹弄谿渚澄明愛水物臨泛何容與
白首垂釣翁新羅浣紗女看看似相識脈脈不得語

南亭懷辛子

山光忽西落池月漸東上散髮乘夕涼開軒臥閑敞
荷風送香氣竹露滴清響欲取鳴琴彈恨無知音賞
感此懷故人中宵勞夢想

登蘭山寄張立

北山白雲裏隱者自怡悅相望始登高心隨飛鴈滅
愁因薄暮起興是清秋發時見歸村人平沙渡嶺歇

言宗
二集
天邊樹若薺江畔洲如月何當載酒來共醉重陽節

發漢浦潭

東旭早光茫諸禽已驚聒臥聞漁浦口橈聲暗相撥
日出氣象分始知江路闊美人常晏起照影弄流沫
飲水畏驚猿祭魚時見獺舟行自無悶况值晴景豁

題終南翠微寺空上人房

翠微終南裏雨後空晚照閉門久沈冥杖策一登眺
遂造幽人室始知靜者妙儒道雖異門雲林頗同調
兩心喜相得畢竟共談笑暝還南牕眠時見遠山燒
緬懷赤城標更憶臨海嶠風泉有清聽何必蘇門嘯

尋香山湛上人

朝遊訪名山山遠在空翠氛氳亘百里日入行始至
谷口聞鐘聲林端識香氣杖策尋故人解鞍暫停騎
石門殊豁險篁徑轉森邃法侶欣相逢清談曉不寐
平生慕真隱累日揆多異野老朝入田山僧暮歸寺
松泉多逸響苔壁饒古意願言投此山身世兩相棄

題鹿門山

清曉因興來乘流越江峴沙禽近方識浦樹遠莫辨
漸至鹿門山山明翠微淺巖潭多屈曲舟楫屢迴轉
昔聞龐德公采藥遂不返金澗養芝朮石牀臥苔蘚

紛吾感耆舊結覽事攀踐隱跡今尚存高風邈已遠
白雲何時去丹桂空偃蹇揆討意未窮迴艫夕陽晚
宿楊子津寄劉處士

所思在夢寐欲往大江深日夕望京口煙波愁我心
心馳茅山洞目極楓樹林不見少微隱星霜勞夜吟

登福先寺方照公禪室

蔡希寂

名都標佛刹萬構臨河干舉目上方峻森森青翠攢
步登諸劫盡忽造浮雲端當暑局闔邃却嫌絺綌寒
禪房最高頂靜者殊閒安疎雨向空城數峯簾外盤
午鐘振衣坐招我同一餐真味雜飴露衆香唯苾蘭

晚來恣偃俛茶菓仍留歡

古風

李白

大雅久不作吾衰竟誰陳王風委蔓草戰國多荆榛
龍虎相啖食兵戈逮狂秦正聲何微茫哀怨起騷人
揚馬激頽波開流蕩無垠廢興雖萬變憲章亦已淪
自從建安來綺麗不足珍聖代復元古垂衣貴清真
羣才屬休明乘運共躍鱗文質相炳煥衆星羅秋旻
我志在刪述垂輝映千春希聖如有立絕筆於獲麟
蟾蜍薄太清蝕此瑤臺月圓光虧中天金魄遂淪沒
蟬竦入紫微大明夷朝暉浮雲隔兩曜萬象昏陰霏

蕭蕭長門宮昔是今已非桂蠹花不實天霜下嚴威
沈歎終永夕感我涕沾衣

秦皇掃六合虎視何雄哉飛劍沒浮雲諸侯盡西來
明斷自天啓大略駕羣才收兵鑄金人函谷正東開
銘功會稽嶺騁望瑯琊臺刑徒七十萬起土驪山隈
尚採不死藥茫然使心哀連弩射海魚長鯨正崔嵬
額鼻象五嶽揚波噴雲雷鬢鬣青天何由覩蓬萊
徐市載秦女樓船幾時迴但見三泉下金棺葬寒灰
太白何蒼蒼星辰上森列去天三百里邈爾與世絕
中有綠髮翁披雲臥松雪不笑亦不語冥棲在巖穴

我來逢真人長跪問實設粲然啓玉齒授以煉藥說
銘骨傳其語竦身已電滅仰望不可及蒼然五情熱
吾將營丹砂永與世人別

莊周夢蝴蝶蝴蝶爲莊周一體更變易萬事良悠悠
乃知蓬萊水復作清淺流青門種瓜人舊日東陵侯
富貴固如此營營何所求

齊有侗儻生魯連特高妙明月出海底一朝開光曜
却秦振英聲後世仰末照意輕千金贈願向平原笑
吾亦淡蕩人拂衣可同調

松柏本孤直難爲桃李顏昭昭嚴子陵垂釣滄波間

身將客星隱心與白雲閑長揖萬乘君還歸富春山
清風灑六合邈然不可攀使我長嘆息冥棲巖石間
燕昭延郭隗遂築黃金臺劇辛方趙至鄒衍復齊來
奈何青雲士棄我如塵埃珠玉買歌笑糟糠養賢才
方知黃鶴舉千里獨裴徊

寶劍雙蛟龍雪花照芙蓉精光射天地雷騰不可衝
一去別金匣飛沈失相從風胡滅已久所以潛其鋒
吳水淡萬丈楚山邈千里雌雄終不隔神物會當逢
天津三月時千門桃與李朝爲斷腸花暮逐東流水
前水復後水古今相續流新人非舊人年年橋上遊

雞鳴海色動謁帝羅公侯月落西上陽餘輝半城樓
衣冠照雲日朝下轍皇州鞍馬如飛龍黃金絡馬頭
行人皆辟易志氣橫嵩邱入門上高堂列鼎錯珍羞
香風引趙舞清管隨齊謳七十紫鴛鴦雙雙戲庭幽
行樂爭晝夜自言度千秋功成身不退自古多愆尤
黃犬空歎息綠珠成鸞雛何如鷓鴣子散髮棹扁舟
郢客吟白雪遺響飛青天徒勞歌此曲舉世誰爲傳
試爲巴人唱和者乃數千吞聲何足道歎息空淒然
世道日交喪澆風散淳源不採芳桂枝反棲惡木根
所以桃李樹吐花竟不言大運有興沒羣動爭飛奔

歸來廣成子去入無窮門

鄭客西入關行行未能已白馬華山君相逢平原里
壁遺鎬池君明年祖龍死秦人相謂曰吾屬可去矣
一往桃花源千春隔流水

薜收肅金氣西陸弦海月秋蟬號階軒感物憂不歇
良辰竟何許大運有淪忽天寒悲風生夜久衆星沒
惻惻不忍言哀歌逮明發

抱玉入楚國見疑古所聞良寶終見棄徒勞三獻君
直木忌先伐芳蘭哀自焚盈滿天所損沈冥道爲羣
東海沈碧水西關乘紫雲魯連及柱史可以躡清芬

孤蘭生幽園衆草共蕪沒雖照陽春輝復悲高秋月
飛霜早浙瀝綠豔恐休歇若無清風吹香氣爲誰發
鳳饑不啄粟所食惟琅玕焉能與羣雞刺蹙爭一餐
朝鳴崑丘樹夕飲砥柱湍歸飛海路遠獨宿天霜寒
幸遇王子晉結交青雲端懷恩未得報感別空長歎
越客探明珠提攜出南隅清輝照海月美價傾皇都
鸞君君按劔懷寶空長吁魚目復相哂寸心增煩紆

沐浴子

沐芳莫彈冠浴蘭莫振衣處世忌太潔至人貴藏輝
滄浪有劔姿吾與爾同歸

子夜吳歌

長安一片月萬戶擣衣聲秋風吹不盡總是玉關情
何日平胡虜良人罷遠征

贈盧司戶

秋色無遠近出門盡寒山白雲遙相識待我蒼梧間
借問盧耽鶴西飛幾歲還

贈何七判官昌浩

有時忽惆悵匡坐至夜分平明空嘯吒思欲解世紛
心隨長風去吹散萬里雲養作濟南生九十誦古文
不然拂劍起沙漠收奇勳老死阡陌間何因揚清芬

夫子今管樂英才冠三軍終與同出處豈將沮溺羣
贈新平少年

韓信在淮陰少年相欺凌屈體若無骨壯心有所憑
一遭龍顏君嘯吒從此興千金答漂母萬古共嗟稱
而我竟何爲寒苦坐相仍長風入短袂兩手如懷冰
故友不相恤新交寧見矜摧殘檻中虎羈紲韉上鷹
何時騰風雲搏擊申所能

酬崔五郎中

朔雲橫高天萬里起秋色壯士心飛揚落日空嘆息
長嘯出原野凜然寒風生幸遭聖明時功業猶未成

奈何懷良圖鬱悒獨愁坐杖策尋英豪立談乃知我
崔公生民秀緬邈青雲姿制作參造化託諷含神祇
海岳尚可傾吐諾終不移是時霜颯寒逸興臨華池
起舞拂長劍四座皆揚眉因得竅懽情贈我以新詩
又結汗漫期九坂遠相待舉身憇蓬壺濯足弄滄海
從此凌倒景一去無時還朝遊明光宮暮入閭闔關
但得長把棧何必崇邱山

望終南山寄紫閣隱者

出門見南山引領意無限秀色難爲名蒼翠日在眼
有時白雲起天際自舒卷心中與之然託興每不淺

何當造幽人滅跡栖絕巘

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂
日色促歸人連歌倒芳罇馬嘶俱醉起分手更何言

金鄉送韋八之西京

客自長安來還歸長安去狂風吹我心西挂咸陽樹
此情不可道此別何時遇望望不見君連山起煙霧

下終南山過斛斯山人宿置酒

暮從碧山下山月隨人歸却願所來徑蒼蒼橫翠微
相携及田家童稚開荆扉綠竹入幽徑青蘿拂行衣

歡言得所憇美酒聊共揮長歌吟松風曲盡河星稀
我醉君復樂陶然共忘機

尋高鳳石門山元丹丘

尋幽無前期乘興不覺遠蒼厓渺難涉白日忽欲晚
未窮三四山已歷千萬轉寂寂聞猿愁行行見雲收
高松來好月空谷空清秋谿深古雪在石斷寒泉流
峯巒秀中天登眺不可盡丹邱遙相呼顧我忽而哂
遂造窮谷間始知靜者閒留歡達永夜清曉方言還
尋魯城北范居士失道

鴈度秋色遠日靜無雲時客心不自得浩漫將何之

忽憶范野人閒園養幽姿茫然起逸興但恐行來遲
城壕失往路馬道迷荒陂不惜翠雲裘遂爲蒼耳欺
入門且一笑把臂君爲誰酒客愛秋蔬山盤薦霜梨
他筵不下筯此席忘朝飢酸棗垂北郭寒瓜蔓東籬
還傾四五酌自詠猛虎詞近作十日歡遠爲千載期
風流自斲蕩謔浪偏相宜酣來上馬去却笑高陽池

望廬山瀑布水

西登香爐峯南見瀑布水挂流三百丈噴壑數十里
歛如飛電來隱若白虹起初驚河漢落半灑雲天裏
仰視勢轉雄壯哉造化功海風吹不斷江月照還空

空中亂灑射左右洗青壁飛珠散輕霞流沫沸穹石
而我樂名山對之心益閒無論漱瓊液且得洗塵顏
且諧宿所好永願辭人間

春思

燕草如碧絲秦桑低綠枝當君懷歸日是妾斷腸時
春風不相識何事入羅帷

待酒不至

玉壺繫青絲沽酒來何遲山花向我笑正好銜杯時
晚酌東山下流鶯復在茲春風與醉客今日乃相宜

春日醉起言志

處世若大夢胡為勞其生所以終日醉頽然臥前楹
覺來眴庭前一鳥花間鳴借問此何時春風語流鶯
感之欲歎息對鶯還自傾浩歌待明月曲盡已忘情

月下獨酌

花間一壺酒獨酌無相親舉盃邀明月對影成三人
月既不解飲影徒隨我身暫伴月將影行樂須及春
我歌月徘徊我舞影凌亂醒時同交歡愛後各分散
永結無情遊相期邈雲漢

天若不愛酒酒星不在天地若不愛酒地應無酒泉
天地既愛酒愛酒不媿天已聞清比聖復道濁如賢

聖賢既已飲何必求神仙三杯通大道一斗合自然
但得酒中趣勿謂醒者傳

三月咸陽城千花晝如錦誰能春獨愁對此徑須飲
窮通與脩短造化夙所稟一罇齊死生萬事固難審
醉後失天地兀然就孤枕不知有吾身此樂最為甚
窮愁千萬端美酒三百杯愁多酒雖少酒傾愁不來
所以知酒聖酒酣心自開辭粟臥首陽屢空飢顏回
當代不樂飲虛名安用哉蟹螯卽金液糟卽是蓬萊
且須飲美酒乘月醉高臺

與元丹邱方城寺談玄作

茫茫大夢中惟我獨先覺騰轉風火來假合作容貌
滅除昏疑盡領略入精要澄慮觀此身因得通寂照
朗悟前後際始知金仙妙幸逢禪居人酌玉坐相召
披我俱若壘雲山豈殊調清風生虛空明月見談笑
怡然青蓮宮永願恣遊眺

冬夜醉宿龍門覺起言志

醉來脫寶劍旅憇高堂眠中夜忽驚覺起立明燈前
開軒聊直望曉雪河冰壯哀哀歌苦寒鬱鬱獨惆悵
傳說版築臣李斯鷹犬人欲起匡社稷寧復長艱辛
而我胡為者歎息龍門下貴富未可期殷憂向誰寫

詩宗
去去淚滿襟舉聲梁甫吟青雲當自致何必求知音

春滯沅湘有懷山中

沅湘春色還風暖煙草綠古之傷心人於此腸斷續
予非懷沙客但美采菱曲所願歸東山寸心於此足

遊太山

四月上太山石屏御道開六龍過萬壑礮谷隨縈迴
馬跡遶碧峯于今滿青苔飛流灑絕巘水急松聲哀
北眺崿嶂奇傾崖向東摧洞門閉石扇地底興雲雷
登高望蓬瀛想像金銀臺天門一長嘯萬里清風來
玉女四五人飄飄下九垓含笑引素手遺我流霞杯

稽首再拜之自媿非僊才曠然小宇宙棄世何悠哉
清曉騎白鹿直上天門山山際逢羽人方瞳好容顏
捫蘿欲就語却掩青雲關遺我鳥迹書飄然落巖間
其字乃上古讀之了不閑感此三歎息從師方未還
平明登日觀舉手開雲關精神四飛揚如出天地間
黃河從西來窈窕入遠山憑崖攬八極目盡長空閑
偶然值青童綠髮雙雲鬢笑我晚學仙蹉跎凋朱顏
躊躇忽不見浩蕩難追攀

日觀東北傾兩崖夾雙石海水落眼前天光搖空碧
千峯爭攢聚萬壑絕凌歷緬彼鶴上仙去無雲中迹

言定
二寶集
長松入霄漢遠望不盈尺山花異人間五月雪中白
終當遇安期於此鍊丹液

題元丹丘山居

故人栖東山自愛丘壑美青春臥空林白日猶不起
松風清襟袖石潭洗心耳羨君無紛喧高枕碧雲裏

折荷有贈

涉江弄秋水愛此紅葉鮮攀荷弄其珠蕩漾不成圓
佳人綵雲裏欲贈隔遠天相思無因見悵望涼風前

求崔山人百丈崖瀑布圖

百丈素崖裂四山丹壁開龍潭中噴射晝夜生風雷

但見瀑布落如深雲漢來聞若竄真圖島嶼備縈迴
石黛刷幽草曾清澤古苔幽緘儻相傳何必向天台

瑩禪師房觀山海圖

眞僧閉精宇滅跡合達觀列障圖雲山攢峯入霄漢
丹崖森在目清晝疑捲幔蓬壺來軒牕瀛海入几案
煙濤爭噴薄島嶼相凌亂征帆飄空中瀑水灑天半
崢嶸若可陟想像徒盈歎杳與眞心冥遂諧靜者翫
如登赤城裏揭步滄洲畔卽事能娛人從茲得消散

俠客行

趙客縵胡纓吳鉤霜雪明銀鞍照白馬颯沓如流星

言宗 一 寶集
十步殺一人千里不留行事了拂衣去淡藏身與名
閒過信陵飲脫劍膝前橫將炙啖朱亥持觴勸侯嬴
三杯吐然諾五嶽倒爲輕眼花耳熱後意氣素霓生
救趙揮金槌邯鄲先震驚千秋三壯士烜赫大梁城
縱使俠骨香不慙世上英誰能書閣下白首太玄經

贈清漳明府姪聿

我李百萬葉柯條布中州天開青雲器日爲蒼生憂
小邑且割雞大道佇烹牛雷聲動四境惠與清漳流
絃歌咏唐堯脫落隱簪組心和得天眞風俗猶太古
牛羊散阡陌夜寢不扃戶問此何以然賢人宰吾土

舉邑樹桃李垂陰亦流芬河堤遠綠水桑柘連青雲
趙女不治容提籠晝成羣繰絲鳴機杼百里聲相聞
訟息鳥下階高臥披道帙蒲鞭挂檐枝示恥無撲扶
琴清月當戶人靜風入室長嘯無一言陶然上皇逸
白玉壺冰木壺中見底清清光洞毫髮皎潔照羣情
趙北美嘉政燕南播高名過客覽行謠因之頌德聲

北山獨酌寄韋六

巢父將許由未聞買山隱道存跡自高何憚去人近
紛吾下茲嶺地閒喧亦泯門橫羣岫開水擊衆泉引
屏高而在雲竇淡莫能準川光晝昏凝林氣夕悽緊

言宗
三寶集
於焉摘朱萼兼得養玄牝坐月觀寶書拂霜弄瑤軫
傾壺事幽酌願影還獨盡念君風塵遊傲爾令自哂

別魯頌

誰道泰山高下却魯連節誰云秦軍衆摧却魯連舌
獨立天地間清風洒蘭雪夫子還侷儻攻文繼前烈
錯落石上松無爲秋霜折贈言鏤寶刀千歲庶不滅

塞下曲

天兵下北荒胡馬欲南飲橫戈從百戰直爲衛恩甚
握雪海上飡拂沙隴頭寢何當破月支然後方高枕

戲贈鄭深陽

陶令日日醉不知五柳春素琴本無絃漉酒用葛巾
清風北窻下自謂羲皇人何時到栗里一見平生親

天台曉望

天台鄰四明華頂高百越門標赤城霞樓栖滄島月
憑高登遠覽直下見溟渤雲垂大鵬翻波動巨鼇沒
風潮爭洶湧神怪何翕忽觀竒迹無倪好道心不歇
攀條摘朱實服藥鍊金骨安得生羽毛千春臥蓬闕
登梅岡望金陵贈族姪高座寺僧中孚

鍾山抱金陵霸氣昔騰發天開帝王居海色照宮闕
羣峯如逐鹿奔走相馳突江水九道來雲端遙明沒

言宗
二集
時遷大運去龍虎勢休歇我來屬天清登覽窮楚越
吾宗挺禪伯特秀鸞鳳骨衆星羅青天明者獨有月
冥居順生理草木不剪伐烟窓引薔薇石壁老野蕨
吳風謝安屐白足傲履屨幾宿一山下蕭然忘干謁
談經演金偈降鶴舞海雪時聞清香來了與世事絕
佳遊不可得春風惜遠別賦詩畱巖屏千載庶不滅

王右軍

右軍本清真瀟灑出風塵山陰過羽客愛此好鵝賓
掃素寫道經筆精妙入神書罷籠鵝去何曾別主人
嘲王歷陽不肯飲酒

地白風色寒雪花大如手笑殺陶淵明不飲杯中酒
浪撫一張琴虛栽五株柳空負頭上巾吾於爾何有

效古

朝入天苑中謁帝蓬萊宮青山映輦道碧樹搖煙空
謬題金闥籍得與銀臺通待詔奉明主抽毫頌清風
歸時落日晚躑躅浮雲聽人馬本無意飛馳自豪雄
入門紫鴛鴦金井雙梧桐清歌弦古曲美酒沽新豐
棧意且爲樂列筵坐羣公光景不可畱生世如轉蓬
早達勝晚遇羞此垂釣翁

擬古

生者爲過客死者爲歸人天地一逆旅同悲萬古塵
月兔空擣藥扶桑已成薪白骨寂無言青松豈知春
前後更歎息浮榮何足珍

妾薄命

漢帝重阿嬌貯之黃金屋咳唾落九天隨風生珠玉
寵極愛還歇妒淡情却疎長門一步地不肯暫回車
雨落不上天水覆難再收君情與妾意各自東西流
昔日芙蓉花今成斷腸草以色事他人能得幾時好

望鸚鵡洲懷禰衡

魏帝營八極蟻視一禰衡黃祖斗筭人殺之受惡名

吳江賦鸚鵡落筆超羣英鏘鏘振金玉句句欲飛鳴
鸞鶚啄孤鳳千春傷我情五嶽起方寸隱然詎可平
才高竟何施寡識冒天刑至今芳洲上蘭蕙不忍生

贈李十二

崔宗之

涼秋八九月白露空園亭耿耿意不暢稍稍風葉聲
患見雄俊士共談今古情李侯忽來儀把袂苦不早
清論既抵掌玄談又絕倒分明楚越事歷歷王伯道
擔囊無俗物訪古千里餘袖有七首劒懷中茂陵書
雙眸光照人詞賦凌子虛酌酒弦素琴霜氣正凝潔
平生心中事今日爲君說我家有別業寄在嵩之陽

明月出高岑清溪貞素光雲散窻戶靜風吹松桂香
子若同斯遊千載不相忘

裴尹東溪別業

李頎

公才廊廟器官亞河南守別墅臨都門驚湍激前後
舊交與羣從十日一携手幅巾望寒山長笑對高柳
清歡信可尚散吏亦何有岸雪青城陰水光遠林首
閒觀野人筏或飲川上酒幽雲淡徘徊白鷺飛左右
庭竹垂臥內村烟隔南阜始知物外情簪紱同芻狗

晚歸東園

出郭喜見山東行亦未遠夕陽帶歸鳥藹藹秋稼晚

樵者乘霽歸野夫及星飯請謝朱輪客垂竿不復還

登首陽山謁夷齊廟

古人已不見喬木竟誰過寂寞首陽山白雲空復多
蒼苔歸地骨皓首探薇歌畢命無怨色成仁其若何
我來入遺廟時候微清和落日弔山鬼回風吹女蘿
石門正西豁引領望黃河千里一飛鳥孤光東逝波
驅車層城路惆悵此巖阿

贈張旭

張公性嗜酒豁達無所營皓首窮草隸時稱太湖精
露頂據胡床長叫三五聲興來掃素壁揮筆如流星

下舍風蕭條寒草滿戶庭問家何所有生事但浮萍
左手持蟹螯右手執丹經瞪目視霄漢不知醉與醒
諸賓且方坐旭日臨東城荷葉裹江魚白甌貯香粳
微祿心不泄放神於八紘時人不識者卽是安期生

無盡上人東林禪居

草堂每多暇時謁山僧門所對但羣木終朝無一言
我心愛流水此地臨清源含吐山上日蔽虧松外村
孤峯隔身世百衲老寒暄禪戶積朝雪花龕來暮猿
顧余守耕稼十載隱田園蘿籬慰春汲巖潭恣討論
洩雲豈知限至道莫揆元且願啓關鎖於焉微尚存

宿香山寺石樓

夜宿翠微半高樓聞暗泉漁舟帶遠火山磬發孤烟
衣拂雲松外門清河漢邊峯巒低枕席世界接人天
靄靄花出霧輝輝星映川東林曙鶯滿惆悵欲言旋

雜詩

崔顥

可憐青銅鏡挂在白玉堂堂中有美女嬌弄明月光
羅袖拂金鵲綵屏點紅妝羅羅含情坐春風桃李香

望太華贈盧司倉

陶翰

作吏到西華乃觀三峯壯削成元氣中傑出天漢上
如有飛動色不知青冥狀巨靈安在哉厥跡猶可望

言宗 一 寶集
方此顧行旅末由飭仙裝蔥籠記星壇明滅數雲嶂
良友隨真契宿心所徵尚敢投歸山吟霞徑一相訪

宿天竺寺

松柏亂巖口山西微徑通天開一路見宮闕生虛空
正殿倚霞壁千樓標石叢夜來猿鳥靜鐘梵寒雲中
岑翠映湖月泉聲亂溪風心超諸境外了與懸解同
明發氣候改起視長崖東湖色濃蕩漾海光漸腫朦
葛仙迹尚在許氏道猶崇獨往古來事幽懷期二公

西陵口觀海

長江漫湯湯近海勢彌廣在昔坏渾凝融為百川決
地形失端倪天色潛滉瀆東南際萬里極目遠無象
山影乍浮沈潮波忽來往孤帆或不見棹歌猶響像
日暮長風起客心空振蕩浦口霞未收潭心月初上
林嶼幾遭迴亭臯時偃仰歲晏訪蓬瀛真游非外獎

懷茂行

明時無廢人廣廈無棄材良工不我顧有用寧自媒
懷策望君門歲晏空遲回秦城多車馬日夕飛塵埃
伐鼓千門啓鳴珂雙闕來我聞雷雨施天澤罔不該
何意斯人徒棄之如死灰主好臣必効時禁權不開
俗流實驕矜得志輕草萊文王賴多士漢帝資羣才

一言並拜將片善成居台夫君何不遇為泣黃金臺

家園夜坐寄郭微

祖詠

前堦微雨歇開戶散窺林月出夜方淺水涼池更淡
餘風生竹樹清露薄衣襟遇物遙遙歎懷人滋遠心
依稀成夢想影響絕微音誰念窮居者明時嗟陸沈

江南曲

劉昫虛

美人何蕩漾湖上風日長玉手欲有贈徘徊雙明璫
歌聲隨綠水怨色起青陽日暮還家望雲波橫洞房

暮秋楊子江寄孟浩然

木葉紛紛下東南日煙霜林山相晚暮天海空青蒼

暝色况復久秋聲亦何長孤舟兼微月獨夜仍越鄉
寒笛對京口故人在襄陽詠忠勞今夕江漢遙相望

尋東谿還湖中作

出山更回首日暮清谿深東嶺新別處數猿叫空林
昔遊有初迹此路還獨尋幽興方在往歸懷復為今
雲峯勞前意湖水成遠心望望已超越坐鳴舟中琴

寄閻防

青冥南山口君與緇錫隣溪路入古寺亂花隨暮春
紛紛對寂莫往往落衣巾松色空照水經聲時有人
晚心復南望山遠情獨親應以脩往業亦惟立此身

淡林度空夜烟月資清眞莫歎又明日彌年徒隱淪

早發交崖山還大室作

崔曙

東林氣微白寒鳥忽高翔吾亦自茲去北山歸草堂
仲冬正三五日月遙相望肅肅過潁上矚矚辨少陽
川冰生積雪野火出枯桑獨往路難盡窮陰人易傷
傷此無衣客如何蒙雪霜

石頭瀨作

崔國輔

悵然秋風時余臨石頭瀨日高見超遠望盡此州內
羽山數點青海岸雜光碎離離樹木杪萍萍波潮大
日暮千里帆南飛落天外須臾遂入夜楚色有微靄
尋遠跡已窮遺榮事多昧一身猶未理安得濟當代
且泛朝夕潮荷衣蕙爲帶

古意

紅荷楚水曲彪炳爍晨霞未得兩回摘秋風吹却花
時芳不待妾玉珮無處誇悔昔盛年時嫁與青樓家

春泛若耶

綦毋潛

幽意無斷絕此去隨所偶晚風吹行舟花落入溪口
際夜轉西壑隔山望南斗潭煙飛溶溶林月低向後
生事且瀟漫願爲持竿叟

林園秋夜作

李嶷

林臥避殘暑白雲長在天賞心既如此對酒非徒然
月色徧秋露竹聲兼夜泉涼風懷袖裏茲意與誰傳

家叔徵君東谿草堂

盧象

開山十餘里青壁森相倚欲識堯時天東谿白雲是
雷轉聲幽聲雲氣香流水礪影生龍蛇巖端翳檉梓
大道終不易君恩曷能已鶴羨無老時龜言攝生理
浮年笑六甲元化潛一指未暇掃雲梯空慙阮家子
今朝共遊者得性閒未歸已到仙人家莫驚鷗鳥飛
水溪巖子釣松挂巢父衣雲氣轉幽寂溪流無是非
名理未足羨腥臊詎所希自惟負貞意何歲當食薇

宿岸道人精舍

閻防

早歲參道風放情入寥廓重經因息侶遂果巖下諾
斂迹僻人間杜門守寂寞秋風剪蘭蕙霜氣冷淙聲
山牖見燃燈竹臼聞搗藥願言捨塵事所趣非龍蠖

西施詠

王維

豔色天下重西施寧久微朝爲越溪女暮作吳宮妃
賤日豈殊衆貴來方悟稀邀人傳脂粉不自着羅衣
君寵益嬌態君憐無是非當時浣紗伴莫得同車歸
持謝鄰家子效顰安可希

歎白髮

言宗
一實集
我年亦何長鬢髮日已白俛仰天地間能爲幾時客
惆悵故山雲徘徊空日夕何事與時人東城復南陌

齊州送祖三

相逢方一笑相送還成泣祖帳已傷離荒城復愁入
天寒遠山淨日暮長河急解纜君乃遙望君猶佇立

春中田家作

屋上春鳩鳴村邊杏花白持斧伐遠揚荷鋤覘泉脈
新燕識舊巢舊人看新曆臨觴忽不銜惆悵遠行客
黎拾遺忻裴迪見過秋夜對雨之作

促織鳴已急輕衣行尚重寒燈坐高館秋雨聞疎鐘

白法調狂象玄言問老龍何人願蓬逕空愧求羊蹤

渭川田家

斜光照墟落竈巷牛羊歸野老念僮僕倚杖候荆扉
雉雉麥苗秀蠶眠桑葉稀田父荷鋤立相見語依依
卽此羨閒逸悵然歌式微

過李揖宅

閉門秋草色終日無車馬客來淡巷中犬吠寒籬下
散髮時未簪道書行尚把與我同心人樂道安貧者
一罷空城酌還歸洛陽社

納涼

言宗 二 實集
喬木萬餘株清流貫其中前臨大川口豁達來長風
連漪含白沙素鮪如遊空偃臥盤石上翻濤沃微躬
漱流復濯足前對釣魚翁貪餌凡幾許徒思蓮葉東
冬日遊覽
步出城東門試騁千里目青山橫蒼林赤日團平陸
渭北走邯鄲關東出函谷秦地萬方會來朝九州牧
雞鳴咸陽中冠蓋相追逐丞相過列侯羣公饒光祿
相如方老病獨歸茂陵宿

宿鄭州

朝與周人辭暮投鄭人宿他鄉絕儔侶孤客親僮僕

宛洛望不見秋霖晦平陸田父草際歸村童雨中牧
主人東臯上時稼繞茅屋蟲思機杼鳴雀喧禾黍熟
明當渡京水昨晚猶金谷此去欲何言窮邊狗微祿
休暇還舊業使使○唐選作盧象詩

謝病始告歸依依入桑梓家人皆佇立相候柴門裏
時輩皆長年成人舊童子上堂家慶畢願與姻親齒
論舊忽餘悲自存且相喜田園轉蕪沒但有寒泉水
衰柳日蕭條秋光清邑里入門乍如昨休騎非僂止
中飯顧王程離憂從此起

戲贈張五弟諶

詩三

二 實集

吾弟東山時心尚亦何遠日高猶自臥鐘動始能飯
頭上髮未梳牀頭書不卷清川興悠悠空林時對偃
青苔石上淨細草松下軟窗外鳥聲閑塔前虎心善
徒然萬慮多澹然太虛緬一知與物平自願爲人淺
對君忽自得浮念不煩遣

贈房盧氏瑄

達人無不可忘已愛蒼生豈復小千室絃歌在兩楹
流人日已歸但坐事農耕桑榆鬱相望邑里多雞鳴
秋山一何淨蒼翠臨寒城視事兼偃臥對書不簪纓
蕭條人吏稀鳥雀下空庭鄙夫心所向晚節異平生

將從海岳居守靜解天刑或可累安邑茅茨君試營

丁寓田家有贈

君心尚栖隱久欲傍歸路在朝每爲言解印果成趣
晨雞鳴隣里羣動從所務農夫行餉田閨婦起縫素
開軒御衣服散帙理章句時吟招隱詩或製閒居賦
新晴望郊郭日暎桑榆暮陰盡小苑城微明渭川樹
撥予宅閭井幽賞何由屢道存終不忘迹異難相遇
此時惜離別再來芳菲度

藍田石門精舍

落日山水好漾舟信歸風玩奇不覺遠因以緣源窮

言
一
遙愛雲木秀初疑路不同安知清流轉偶與前山通
捨舟理輕策果然愜所適老僧四五人逍遙蔭松柏
朝梵林未曙夜禪山夏寂道心及牧童世事問樵客
暝宿長林下焚香臥瑤席爛芳襲人衣山月曠石壁
再尋喪迷誤明發更登歷笑謝桃源人花紅復來覲

贈從弟司庫員外綽

少年識事淺強學干名利徒聞躍馬年苦無出人智
卽事豈徒言累官非不試既寡遂性歡恐招負時累
清冬見遠山積雪凝蒼翠浩然出東林發我遺世意
惠連素清賞夙語塵外事欲緩携手期流年一何駛

送高道弟耽歸臨淮作

少年客淮泗落魄居下邳遨遊向燕趙結客過臨淄
山東諸侯國迎送紛交馳自爾厭游俠閉戶方垂帷
淡暘戴家禮願學毛公詩備知經濟道高臥陶唐時
聖主詔天下賢人不得遺公吏奉纁組安車去菲茨
君王蒼龍闕九門十二達羣公朝謁罷冠劍下丹墀
野鶴終踉蹌威鳳徒參差或問理人術但致還山詞
天書降北闕賜帛歸東菑都門謝親故行路日逶遲
孤帆萬里外森漫將何之江天海陵郡雲日淮南祠
杳冥滄洲上蕩滌無人知緯蕭或賣藥出處安能期

送張舍人佐江州同薛據十韻

束帶趨承明守官惟謁者清晨聽銀蚪薄暮辭金馬
受辭未嘗易當御方知寡清範何風流高文有風雅
忽佐江上洲當自潯陽下送旅到三湘長途應百舍
香爐遠峯出石鏡澄湖瀉董奉杏成林陶潛菊盈把
彭蠡常好之廬山我心也送君思遠道欲以數行灑

別弟縉後登青龍寺望藍田山

陌上新別離蒼茫四郊晦登高不見君故山復雲外
遠樹蔽行人長天隱秋塞心悲宦遊子何處飛征蓋

新晴晚望

新晴原野曠極目無氛垢郭門臨渡頭村樹連溪口
白水明田外碧峯出山後農月無閒人傾家事南畝
晦日遊大理韋卿城南別業

冬中餘雪在墟上春流駛風日暢懷抱山川好天氣
離胡先晨炊庖膾亦後至高情浪海嶽浮生寄天地
君子外簪纓埃塵良不啻所樂衡門中陶然忘其貴

冬夜書懷

冬宵寒且永夜漏宮中發草白靄繁霜木衰澄清月
麗服映頰顏朱燈照華髮漢家方尚少顧影慚朝謁
偶然作

楚國有狂夫茫然無心想散髮不冠帶行歌南陌上
孔丘與之言仁義莫能獎未嘗肯問天何事須擊壤
復笑采薇人胡為乃長往

獻始興公

寧栖野樹林寧飲礪水流不用坐梁肉崎嶇見王侯
鄙哉匹夫節布褐將白頭任智誠則短守仁固其優
側聞大君子安問黨與讎所不賣公器動為蒼生謀
賤子跪自陳可為帳下不感激有公議曲私非所求
寄荊州張丞相

所患竟何在悵望溪荆門舉世無相識終身患舊恩

方將與農圃藝植老丘園目盡南無鴈何由寄一言

喜祖三至留宿

門前洛陽客下馬拂征衣不在故人駕平生多掩扉
行人返溪巷積雪帶餘暉早歲同袍者高車何處歸

同王十三維偶然作

儲光義

野老本貧賤冒暑鋤瓜田一畦未及終樹下高枕眠
荷篠者誰子皤皤來息肩不復問鄉墟相見但依然
腹中無一物高話羲皇年落日臨層閣逍遙望晴川
使婦持蠶筐呼童搗漁船悠悠泛綠水去摘浦中蓮
蓮花豔且美使我不能還

田舍有老翁垂白衡門裏有時農事閒斗酒呼隣里
喧聒茅簷下或坐或復起短褐不爲薄園葵固足美
動則長子孫不曾向城市五帝與三王古來稱天子
干戈將揖讓畢竟何者是得意苟爲樂野田安足鄙
且當放懷去行行沒餘齒

仲夏日中時草木看欲焦田家惜工力把鋤來東臯
願望浮雲陰往往誤傷苗歸來悲困極兄嫂共相饒
無錢可沽酒何以解劬勞夜淡星漢明庭宇虛寂寥
高柳三五株可以獨逍遙

耿耿銅錢宮遙望長數里賓客無多少出入習珠履

朴儒亦何爲辛苦讀舊史不道無家舍效他養妻子
列列玄冬暮衣裳無準擬偶然著道書神人養生理
公卿時見賞賜賚難具紀莫問身後事且論朝夕是
浮雲在虛空隨風復卷舒我心方處順動作何憂虞
但言嬰世網不復得閒居迢遞別東國超遙來西都
見人乃恭敬曾不問賢愚雖若不能言中心亦難誣
故鄉滿親戚道遠日以疎偶欲陳此意復無南飛鳧

釣魚灣

垂釣綠灣春春深杏花亂潭清疑水淺荷動知魚散
日暮待情人維舟綠楊岸

幽居

幽人下山徑去去夾青林滑處莓苔溼暗中蘿薜深
春朝烟雨散猶帶浮雲陰

田家即事

蒲葉日已長杏花日已滋老農要看此貴不違天時
迎晨起飯牛雙駕耕東菑蚯蚓土中出田鳥隨我飛
羣合亂啄噪嗷嗷如道飢我心多惻隱願此兩相悉
撥食與田鳥日暮空筐歸親戚更相謂我心終不移

田家雜興

春至倉庚鳴薄言向田野不能自力作甦勉聚鄰女

既念生子孫方患廣田圃閑時相顧笑喜悅好禾黍
夜夜登嘯臺南望洞庭渚百草被霜露秋山響砧杵
却羨故年時中情無所取

衆人恥貧賤相與尚膏腴我情既浩蕩所樂在畋漁
山澤時晦冥歸家暫閒居滿園種葵藿遠屋樹桑榆
禽雀知我閒翔集依我廬所願在優游州縣莫相呼
日與南山老兀然傾一壺

貧士養情性不復知憂樂去家行賣畚畱滯南陽郭
秋至黍苗黃無人可刈穫孺子朝未飯把竿逐鳥雀
忽見梁將軍乘車出宛洛意氣軼道路光輝滿墟落

言宗 一 安集
安知負薪者啞啞笑輕薄

梧桐蔭我門薜荔網我屋迢迢兩夫婦朝出暮還宿
稼穡既自種牛羊還自牧日吁嬾耕鉏登高望川陸
空山足禽獸墟落多喬木白馬誰家兒聯翩相馳逐
種桑百餘樹種黍三十畝衣食既有餘時時會賓友
夏來菰米飯秋至菊花酒孺人喜逢迎稚子解趨走
日暮閒園裏團團蔭榆柳酩酊乘夜歸涼風吹戶牖
清淺望河漢低昂看北斗數甕猶未開明朝能飲否

野田黃雀行

嘖嘖野田雀不知軀體微閒穿深藜裏爭食復爭飛

窮老一類舍棗多桑樹稀無棗猶可食無桑何以衣
蕭條空倉暮相引時來歸斜路豈不捷渚田豈不肥
水長路且壞惻惻與心違

牧童詞

不言牧田遠不道牧陂溪所念牛馴擾不亂牧童心
圓笠覆我首長蓑披我襟方將憂暑雨亦以懼寒陰
大牛穿層坂小牛隱近林同類相鼓舞觸物成謳吟
取樂須臾間寧問聲與音

樵父詞

山北饒朽木山南多枯枝枯枝作采薪爨室私自知

詰朝鴈芥尋視暮行歌歸先雪隱薜荔迎暄臥茅茨
清礪日濯足喬林時曝衣終年登險阻不復憂安危
蕩漾與神遊莫知是與非

述華清宮

上在蓬萊宮莫若居華清朝朝禮玄閣日日聞體輕
大聖不私己精禮爲羣氓
上林神君宮此地卽明庭山開鴻濛色天轉招搖星
三雪報大有孰謂非我靈

池邊鶴

舞鶴倚池邊水清毛羽鮮立如依岸雪飛似向池泉

江海雖言曠無如君子前

觀江淮名勝圖

王昌齡

刻意吟雲山尤知隱淪妙公遠何爲者再詣臨海嶠
而我高其風披圖得遺照援毫無逃境遂展千里眺
淡掃荆門壁明標赤城燒青蔥林間嶺隱見淮海微
但指香爐頂無聞白猿嘯沙門旣云滅獨往豈殊調
感對懷拂衣胡寧事漁釣安期始遺舄千古謝榮耀
投迹庶可齊滄浪有孤棹

長歌行

曠野饒悲風颼颼多蒿草繫馬倚白楊誰知我懷抱

言宗 一 集
所是同袍者相逢盡衰老况登漢家陵南望長安道
上有枯樹根下有石鼠窠高皇子孫盡千載無人過
寶玉頻發掘精靈其奈何人生須達命有酒且高歌

風涼原上作

陰岑宿雲歸霧露滋松柏風淒日初晚下嶺望川澤
遠山無遺明秋水千里白佳氣盤未央聖人在凝碧
關門阻天下信是帝王宅海內方晏然廟堂有奇策
時真守全運罷去遊說客余忝蘭臺人幽尋免貽責

鄭縣宿陶大公館贈馮六元二

儒有輕王侯脫略當世務本家藍田中非爲漁弋故

無何困躬畊且欲馳永路幽居與君近出谷同所驚
昨日舜石門五年變秋露雲龍未相感干謁亦已屢
子爲黃綬羈余忝蓬山願京門望西嶽百里見郊樹
飛雨祠上來靄然關中暮驅車鄭城宿秉燭論往素
山月出華陰開此河渚霧清光比故人豁達展心晤
馮公尚戢翼元子仍跼步拂衣易爲高論跡難爲趣
張范善始終吾等豈不慕罷酒當涼風屈伸備冥數

緱氏尉沈興宗置酒南谿畱贈

林色與谿古溪篁引幽翠山罇在漁舟棹月情已醉
始窮清源口聲絕人境異春泉滴空崖萌草拆陰地

久之風榛寂遠聞樵聲至海鴈時獨飛永然滄洲意
古時青冥客滅迹淪一尉吾子躊躇心豈其紛埃事
緱峯信所剋濟北餘乃遂齊物意已會息肩理猶未
卷舒形性表脫略賢哲議仲月朔角巾飯僧嵩陽寺

秋興

日暮西北堂涼風洗脩木著書在南窻門館常肅肅
苔草延古意視聽轉幽獨或問余所營刈黍就寒谷
齋心

女蘿覆石壁溪水幽濛朧紫葛蔓黃花娟娟寒露中
朝飲花上露夜臥松下風雲英化爲水光采與我同

日月蕩精魄寥寥天府空

太湖秋夕

木宿烟雨寒洞庭霜落微月明移舟去夜靜魂夢歸
暗覺海風度蕭蕭聞鴈飛

琴

孤桐秘虛鳴朴素傳幽真髮鬢絃指外遂見初古人
意遠風雪苦時來江山春高宴未終曲誰能辨經綸

送李擢遊江東

清洛日夜漲微風引孤舟離腸便千里遠夢生江樓
楚國橙橘暗吳門烟雨愁東南具今古歸望山雲秋

尋西山隱者不遇

丘為

絕頂一萼茨直上三十里叩關無童僕窺室惟按几
若非巾柴車應是釣秋水蹉跎不相見僂俛空仰止
草色新雨中松聲晚窓裏及茲契幽絕自足盪心耳
雖無實主意頗得清淨理興盡方下山何必待之子

登翅頭山題儼公石壁

晨登翅頭山山曛黃霧起却瞻迷向背直下失城市
曠日衝東郊朝光生邑里掃除諸煙氛照出衆樓雉
青為洞庭山白是太湖水蒼茫遠郊樹倏忽不相似
萬象以區別森然共盈几坐令開心胃漸覺落塵滓

北巖千餘仞結廬誰家子願陪中峯遊朝暮白雲裏

登隴

高適

隴頭遠行客隴上分流水流水無盡期行人未云已
淺才登一命孤劔通萬里豈不思故鄉從來感知已

自淇涉黃河途中作

野人頭盡白與我忽相訪手持青竹竿日暮淇水上
雖老美容色雖貧亦閒放釣魚三十年中心無所向

酬司空璩

飄飄未得意感激與誰論昨日遇夫子乃欣吾道存
江上滿詞賦札翰起涼溫吾見風雅作人知德業尊

驚颿蕩萬木秋氣屯高原燕趙何蒼茫鴻鴈來翩翩
此時與君別握手發無言

同諸公登慈恩寺塔

香界泯羣有浮圖豈諸相登臨駭孤高披拂忻大壯
言是羽翼生迥出虛空上頓疑身世別乃覺形神王
宮闕皆戶前山河盡檐向秋風昨夜至秦塞多清曠
千里何蒼蒼五陵鬱相望盛時慚阮步末宦知周防
輸效獨無因斯焉可游放

客中遇林慮楊十七山人因而有別

昔余涉漳水驅車向鄴西遙見林慮山蒼蒼夏天倪
邂逅逢爾曹說君被巖栖蘿徑垂野蔓石房倚雲梯
秋韭何青青藥苗數百畦栗林隘谷口枯樹森回谿
耕耘有山田紡績有山妻人生苟如此何必組與珪
誰謂遠相訪曩情殊不迷蒼前舉醇醪竈下烹隻雞
朔風忽振蕩昨夜寒蟬啼遊子益思歸罷琴傷解攜
出門盡原野白日黯已低始驚道路難終念言笑睽
因聲謝岑壑歲暮一攀躋

塞下曲

結束浮雲駿翩翩出從戎且憑天子怒復倚將軍雄
萬鼓雷殷地千旗火生風日輪駐霜戈月魄懸瑠弓

青海陣雲匝黑山兵氣衝戰酣太白高戰罷旄頭空
萬里不惜死一朝得成功畫圖麒麟閣入朝明光宮
大笑向文士一經何足窮古人昧此道往往成老翁

同羣公宿開善寺贈陳十六所居

駕車出人境避暑投僧家徘徊龍象側始見香林花
讀書不及經飲酒不勝茶知君悟此道所未被袈裟
談空忘外物持戒破諸邪則是無心地相看惟月華

寄孟五少府

秋氣落窳巷離憂兼暮蟬後時已如此高興亦徒然
知君念淹泊憶我屢周旋征路見來鴈歸人悲遠天

平生感千里相望在貞堅

澧頭送蔣侯

岑參

君住澧水北我家澧水西兩村辨喬木五里聞鳴雞
飲酒溪雨過彈棋山月低徒聞蔣生徑爾去誰相攜

暮秋山行

疲馬臥長坂夕陽下通津山風吹空林颯颯如有人
蒼旻霽涼雨石路無飛塵千念集暮節萬籟悲蕭辰
鷓鴣昨夜鳴蕙草色已陳况在遠行客自然多苦辛

登嘉州凌雲寺作

寺出飛鳥外青峯戴朱樓擗壁躋半空喜得登上頭

始知宇宙闊下看三江流天晴見峨眉如向波上浮
迴曠煙景豁陰森棕枿稠願割區中緣永從塵外遊
回風吹虎穴片雨當龍湫僧房雲濛濛夏月寒飈颭
廻合俯近郭寥落見遠舟勝槩無端倪天宮可淹留
一官詎足道欲去令人愁

與高適薛據同登慈恩寺浮圖

塔勢如湧出孤高聳天宮登臨出世界磴道盤虛空
突兀壓神州崢嶸如鬼工四角礙白日七層摩蒼穹
下窺指高鳥俯聽聞驚風連山若波濤奔走似朝東
青松夾馳道宮觀何玲瓏秋色從西來蒼然滿關中
五陵北原上萬古青濛濛淨理了可悟勝因夙所宗
誓將挂冠去覺道資無窮

終南雙峯草堂

斂跡歸山田息心謝時輩書還草堂臥但見雙峯對
興來恣佳遊事愜符勝槩著書高窓下日夕見城內
曩爲世人誤遂負平生愛久與林壑辭及來杉松大
偶茲精廬近數預名僧會有時逐漁樵盡日不冠帶
崖口上新月石門破餘靄色向羣木淡光搖一潭碎
緬懷鄭生谷頗憶嚴子瀨勝事猶可追斯人邈千載
秋夕聽羅山人彈三峽流泉

言完
一覽集
皤皤岷山老抱琴鬢蒼然衫袖拂玉徽爲彈三峽泉
此曲彈未半高堂如空山石林何颺颺忽在窻戶間
繞指弄嗚咽青絲激潏潏演漾怨楚雲虛徐韻秋烟
疑兼陽臺雨似雜巫山猿幽引鬼神聽淨令耳目便
楚客腸欲斷湘妃淚斑斑誰裁青桐枝繩以朱絲絃
能合古人曲遞與今人傳知音難再逢惜君方老年
曲終月已落惆悵東齋眠

終南雲際精舍尋法澄上人
不遇歸高冠潭石
涼望秦嶺微雨作貽友人

昨夜雲際宿日從西峯回不見林中僧微雨潭上來
諸峯皆晴翠秦嶺獨不開石鼓有時鳴秦王安在哉
東南雲開處突兀兀獼猴臺崖口懸瀑流半空白皚皚
噴壁四時雨傍村終日雷北瞻長安道日夕多塵埃
若訪張仲蔚衡門滿蒿萊

送祁樂歸江東

祁樂後來秀挺身出河東往年詣驪山獻賦溫泉宮
天子不召見揮鞭遂從戎前月還長安囊中金已空
有時忽乘興畫出江上峯牀頭蒼梧雲簾下天台松
忽如高堂上颯颯生清風五月火雲屯氣燒天地紅
鳥且不敢飛子行如轉蓬少華與首陽隔河勢爭雄

詩宗 一 寅集
新月河上出清光滿關中置酒灞亭別高歌披心曾
君到故山時爲吾謝老翁

南樓送衛憑

近縣多過客似君誠亦稀南樓取涼好便送故人歸
鳥向望中滅雨侵晴處飛應須乘月去且爲解征衣

詩宗寅集卷六



